

# Saho Carta Que Dicjin Pablo Para Ixin Chojni Que Ditticaon Jesucristo Ngain Ciudad De Corinto

## *Pablo chjé joajna chojni Corinto*

<sup>1</sup> Janha Pablo na, tti Dios vayahna janha para rrihi ná representanté Jesucristo. Janha co Sóstenes <sup>2</sup> techjaha ra joajna ngain carta jiji para ixin cain jaha ra que ditticaon ra Dios, xo te ra ngain ciudad de Corinto; jaha ra xo tequininxin ra ngain Dios ixin jaha ra anto ditticaon ra Jesucristo. Dios vayaha jaha ra ngain ná vida jian, jaha ra conixin cain chojni de cain lugar tti nichja na jian de ixin nombré Jesucristo, tti chonda joachaxin para ixin ján na. Jehe tti chonda joachaxin para ixin jehe na, co para ixin ján na cai. <sup>3</sup> Dios Ndodá na, co Jesucristo, tti chonda joachaxin para ixin ján na, sinchenciaon nganji ra co rrochjá ra tti chjoin que tsonohe ansean ra.

## *Quexén nchenciaon Dios chojni por ixin Jesucristo*

<sup>4</sup> Janha siempre chjaha gracias ngain Dios de ixin jaha ra ixin Dios jointtanchaon jaha ra de ixin Jesucristo. <sup>5</sup> Ixin ditticaon ra Cristo, Dios chjá jaha ra cainxin joachaxin de ngain cain tti jaha ra nichja ra co ngain cain tti jaha ra noha ra. <sup>6</sup> Tti ndattjo ra de ixin Cristo jaha ra ndoa vayehe ra. <sup>7</sup> Co jamé sinchetjanha ra ni ná cosa que danjo

Dios jaxon que xa techonhe jaha ra tti nchanho que Jesucristo, tti chonda joachaxin para ján na, rrocjan tsí iná. <sup>8</sup> Jehe tti sinchesoji ansean ra hasta are ndasenhe ra para que ni ná ra xonhi jianha sintteca ra are tsí Jesucristo, tti chonda joachaxin para ixin ján na. <sup>9</sup> Dios siempre nchehe tti jehe ndačo, co jehe tti vayaha jaha ra para que te ra jai, jaha ra conixin Jesucristo, Xenhe Dios co tti chonda joachaxin para ixin ján na.

*Tti ndačo Pablo de ixin chojní Jesús que dačhjenjehe chó*

<sup>10</sup> Nttatsanha ñao ra de ixin nombré Jesucristo, tti chonda joachaxin para ixin ján na, que dintte ra de acuerdo co dačhjenjeha chó ra. Dintte ra nacoaxinxon grupo, co nacoaxinxon forma de xaxaon ra co de tsonohe ngain joarrixaoan ra. <sup>11</sup> Janha ndačhjan jihi nganji jaha ra ixin nindoha Cloé ndachjenji na na janha ixin jaha ra toñaöhe chó ra. <sup>12</sup> Janha ndačhjan que jaha ra toñaöhe chó ra ixin cada jaha ra nichja ra ojejé; canxion ra ndačo ra: “Janha chojní Pablo na”; co icanxin ra ndačo ra: “Janha chojní Apolo na”; co icanxin ra ndačo ra: “Janha chojní Pedro na”; co icanxin ra ndačo ra: “Janha chojní Cristo na.” <sup>13</sup> Pero, ¿apoco Cristo rinao que chojní sačhjenjehe chó na? ¿Apoco janha Pablo na goan na crucificado para ixin jaha ra? ¿O ani joiguitte jaha ra para sintte ra jehó chojnina? <sup>14</sup> Janha chjaha gracias ngain Dios ixin janha jointtaguitteha ni ná jaha ra, jehó Crispo co Gayo tti jointtaguitte janha. <sup>15</sup> Jañá ni ná chojni čoha rrondačo na ixin joiguitte na

para sintte na chojnina janha. <sup>16</sup> Ján, cai jointtaguitte cain nindoha Estéfanos, pero janha xaxanho que ijointtaguitteha icha chojni. <sup>17</sup> Cristo coetonnaha para sinttaguitte chojni. Jehe coetonna para rrondattjan chojni que xén sinchehe na para sayeha na castigo de ixin tti jianha que nchehe na, pero janha nichjaha conixin joxon palabra chjoin inchin nche xoxinhi chojni, ixin janha nichja jeha de ixin quedonda Cristo ndavenxin nganito cruz, co jihi tti icha rentte para que chojni tsonohe.

*Cristo chonda joachaxín Dios, co jehe chonxin quexehe cosa jian inchin Dios chonxin*

<sup>18</sup> Are chojni que ndaditján ngain vicio ttinhi na tti joajna de ixin quedonda ndavenxin Cristo nganito cruz, jehe na xaxaon na ixin mé xonhi xé, pero para ján na que chonda na iná vida naroaxin que sehe para cainxin tiempo, joajna mé chonda joachaxín Dios. <sup>19</sup> Inchin nda cho ngain tti jitaxin Palabré Dios:

Janha tsjago ixin xonhi xé tti anto chonxin chojni que anto nohe cosa de ngataha nontte, co janha tsín ndaha joarrixaoen tti chojni que chonda seguro ixin anto jian ttinxin de tti nohe jeha.

<sup>20</sup> Mexinxin xonhi rentte tti xaxaon chojni que anto chonda seguro ngain tti jehe na xaxaon na, co tti anto nohe, co tti anto tjao chó de ixin cosa de ngataha nontte nttihi. Dios cjoago ixin tti xaxaon chojni que ditticaonha Jesucristo, mé xonhi xé. <sup>21</sup> Dios jehe nohe nchehe cain cosa jian. Co jehe coanchjanda cain chojni que jeha nche xoxinhi na cosa de ngataha nontte para que rrochonxinha na

quehe rinao jehe Dios, ixin tti jehe na nohe na xonhi xé mé para ixin Dios. Pero jehe Dios conixin joajné coančjandaha tsji ngain infierno tti chojni que chonda confianza ngain jehe Dios. Masqui tti chojni que ditticaonha xaxaon na que joajna jihi xonhi xé.

<sup>22</sup> Ni chojni judío ni chojni griego rinaoha na sitticaon na tti jian joajné Jesucristo. Ixin chojni judío icha rinao na sicon na señal de milagro, co chojni griego icha rinao na ttjé na de quexén tsonohe na quexén rrochonxin na icha de ngataha nontte nttihi. <sup>23</sup> Pero janha na ndattjan na cain chojni de ixin Cristo que goan crucificado. Co chojni judío are ttinhi na ixin Jesús goan crucificado, jehe na xaxaon na que mé xa jeha Cristo mero, mexinxin xa čhoha na ditticaon na. Co tti chojni que jeha judío, jehe na ndačo na ixin xonhi xé tti janha na ndačhjan na. <sup>24</sup> Pero para tti chojni que Dios coinchiehe, masqui chojni judío o chojni griego, pero ttinxin na que Cristo chonda joachaxín Dios co jehe ttinxin cainxin tti nchehe Dios. <sup>25</sup> Ixin masqui jí chojni que ndačo ixin tti nchehe Dios xonhi xé, pero jehe mé icha jian que cain tti jian que nchehe chojni ngataha nontte. Co masqui jí chojni que ndačo ixin tti nchehe Dios sojiha joachaxin chonda, pero jehe mé icha soji joachaxin chonda que tti joachaxin que chonda chojni ngataha nontte. <sup>26</sup> Jaha ra chonda que rroxaxaon ra quexén vayaha ra Dios. Jehe vayaha ra masqui tsjeha ra chonxin ra jian tti nohe chojni ngataha nontte, co masqui tsjeha ra chonda ra joachaxin ngain icha chojni ni nindoi ra importanteha na ngain autoridad. <sup>27</sup> Jeha jamé

ixin Dios coinchiehe de ngataha nontte tti chojni que icha xonhi chonxin para sinchecosoé na tti chojni que anto chonxin. Co Dios coinchiehe de ngataha nontte tti chojni que chondaha ni rioho joachaxin ngataha nontte para sinchecosoé na tti chojni que chonda anto tsje joachaxin. <sup>28</sup> Dios coinchiehe chojni que xonhi importancia chonda ngataha nontte, tti chojni que icha chojni rinaoha na jehe, rrocho ixin Dios coinchiehe tti chojni que icha chojni xaxaon ixin xonhi rentte, para tjago que ngattoxon con Dios xonhi rentte tti chojni que chonda importancia nttihi ngataha nontte. <sup>29</sup> Jamé joinchehe Dios para que xonhi chojni nchao tsonohe ixin jehe icha jian ngattoxon con Dios. <sup>30</sup> Pero Dios mismo jointtauní jaha ra ngain Jesucristo. Co Dios ndacho cai que de ixin Cristo ján na rrochonxin na jian de ixin Dios, co de ixin tti joinchehe Cristo, Dios itoñaoha nganji ján na co joxon jian na para ngain Dios, co ixonhi tsonhe almá na. <sup>31</sup> Mexinxin inchin ndacho ngain tti jixtaxin Palabré Dios: “Si chonja ra rinao ra tsonoha ra orgulloso, tonoha ra orgulloso pero de ngain Dios.”

## 2

### *Joajné Cristo que goan crucificado*

<sup>1</sup> Ttinhí jaha ra, are janha joasondattjo ra tti ndoa de ixin Dios, janha jointtagondaha palabra anto tangui co ni palabra que nchegonda chojni anto importante. <sup>2</sup> Are janha joarihi ngayaha ra, janha joinaoha conona de icha cosa, jeho de ixin Jesucristo co de ixin quehe rrocho que Jesucristo goan crucificado. <sup>3</sup> Are janha joaso nganji ra janha

a sojiha na co anga na de joaaon. <sup>4</sup>Co are nichjaha ra co ndattjo ra jehe jian joajné Jesucristo, janha joinaoha jointtaguitticaon jaha ra conixin palabra tangui inchin palabré chojni que anto chonxin. Janha jeha jamé jointtaha, pero conixin Espíritu Santo co joachaxín Dios janha jointtaguitticaon jaha ra. <sup>5</sup>Mexinxin jaha ra ditticaon ra ngain Jesucristo ixin vicon ra joachaxín Dios co jeha ixin coinhi ra palabré ná chojni que anto chonxin cosa nttihi ngataha nontte.

*Dios rroanha Espíritu Santo para rrochonxin ni jehe por ixin Espíritu Santo*

<sup>6</sup> Pero ixinha jamé, are janha tti ngayehe tti chojni que ditticaon jian ngain Jesucristo, janha na nichja na conixin palabra tangui. Pero palabra jihi jeha de ixin chojni nttihi ngataha nontte, ni de ixin cain tti ttetonha nttihi ngataha nontte ixin tti nohe chojni nttihi ngataha nontte, mé chonda que ndatsjexin. <sup>7</sup>Tti tangui que janha na nichja na joixin de ngain Dios, co mé rroho tti axaon Dios para que jehe rrochjá na vida que onhi tiempo tsjexin. Jihi tti axaon Dios icha saho que jehe rrojinchechjian nontte. Pero agoha nganji na hasta ndavenja Jesucristo. <sup>8</sup>Ni ná xí que ttetonha ngataha nontte jihi ttinxinha xa jihi, ixin si rroguinttequinxin xa, rrojinchecrucificaha xa Jesús que joixin de ngajni. <sup>9</sup>Pero conhe inchin jitaxin ngain Palabré Dios:

Cosa que onhi chojni vicon ni coinha na,  
ni onhi chojni axaon,  
pero mé tti axaon Dios para cain chojni que jehe  
na rinao na jehe.

<sup>10</sup> Dios jointtagatsoan na cosa jihu de ixin tti Espiritu Santo que jehe rroanha, co Espiritu mé tti chonxin cain cosa co hasta cain cosa que jima ngain Dios.

<sup>11</sup> Ixin ¿quensen nchao rrochonxin quehe jiřaxaon ansén iná chojni? Chonda que jehe espiritue chojni mé tti nohe. Jamé cai Espiritu Santo tti nohe quehe řaxaon Dios. <sup>12</sup> Tti ján na coangui na jeha tti řaxaon chojni de ngataha nontte jihu; ján na vayé na Espiritu Santo que joixin de ngain Dios para que ján na tsinxin na cain lo que Dios chjá na. <sup>13</sup> Janha na nichja na de ixin cosa jihu conixin palabra que joinchecoanna na Espiritu Santo de Dios, co jeha de ixin palabra que janho na coangui na. Jañá ndačhjan na cosa de Espiritu Santo ngain chojni que Espiritu mé jí ngain.

<sup>14</sup> Tti chojni que coha Espiritu Santo ngain, jehe čhoha dayé cosa que ttixin de ngain Espiritu mé ixin para chojni mé řonhi řé cain cosa de Espiritu Santo. čhoha ttinxin chojni mé cosa de Dios ixin cain cosa mé čhoha chonxin na si jian o ni nahi ixin coha Espiritu Santo de Dios ngain na. <sup>15</sup> Pero tti chojni que jí Espiritu Santo de Dios ngain, jehe nchao rrochonxin quehe rročo cain cosa, co řonhi chojni nchao rrondačo de ixin quehe jinchehe jehe tti chojni que jí Espiritu mé ngain. <sup>16</sup> Tti jitaxin Palabré Dios ndačo: “řonhi chojni ttinxin tti jiřaxaon jehe tti chonda cainxin joachaxin. Co řonhi chojni nchao sehe maestro ngain Dios.” Pero ixinha mé, ján na noa na tsje de tti jiřaxaon Jesucristo.

### 3

#### *Chojni que nchehe xé Dios*

<sup>1</sup> Are janha joarihi nganji ra, hermanos, janha čoha nichja nganji jaha ra inchin janha rronichja ngain tti chojni que tenchehe inchin rinao Espíritu Santo. Sino que janha nichja nganji ra inchin ngain tti chojni que coha Espíritu Santo ngain. Janha nichja nganji ra inchin are nichja ni ngain xannchinnchinchjan que xa chondaha tsje experiencia, jamé jaha ra cai xa chonxinha ra jian de ixin Cristo. <sup>2</sup> Tti janha jointtacoanha ra tanguiha inchin ná xanletsjochjan que xa tai. Dayé xan tsjin en lugar de nio co ndaxa. Co inchin jamé vintte jaha ra cai. Inchin estomagoé ná xanletsjochjan čoha dayé nio co ndaxa, jamé jaha ra cai čoha coinxin ra tti ttetonha Cristo. Co ni jai xa čoha ttinxin ra <sup>3</sup> ixin jaha ra xajeho inchin cain icha chojni. Ixin jaha ra xa chjoaha ra, xa ningaconhe chó ra, co xa chonda ra división. Mexinxin jaha ra jeho inchin cain icha chojni co tenchehe ra inchin nchehe cain chojni. <sup>4</sup> Ixin are ná ra ndačo ra: “Janha chojni Pablo na”, co iná ra ndačo ra: “Janha chojni Apolo na”; are jaha ra ndačo ra jańá, jaha ra tenchehe ra inchin nchehe cain icha chojni.

<sup>5</sup> ¿Quensen janha Pablo? co ¿quensen jehe Apolos? Cayoi janha na xajeho ninchehe xé Dios co de ixin janha na jaha ra vitticaon ra Jesucristo, tti chonda cainxin joachaxin. Cada na janha na jointtaha na tti xa que Dios coetonna na. <sup>6</sup> Janha inchin tti ttenga noa ngataon jngui, jamé coín palabré Dios ngain ansean ra; co Apolos inchin

titi chjé jino jinda, ixin jointtanimá ra. Pero Dios tti joinchegangui fe ngain ansean ra inchin are jehe nchegangui jino ngataon jngui. <sup>7</sup> Mexinxin xonhi rentte ni tti ttenga noa ni tti chjé jino jinda; jeho Dios tti rentte ixin jehe nchegangui cain cosa. <sup>8</sup> Mexinxin tti ttenga co tti chjé jinda xajeho nataonxin, pero Dios ttjenguehe na hna cada na inchin xa que jehe na nchehe na. <sup>9</sup> Cayoi janha na compañero na de ngain xé Dios co jaha ra inchin jngui que Dios jinchehe xa.

O cai, jaha ra inchin ná nchia jie que Dios jinchechjian. <sup>10</sup> Janha inchin ximaestro albañil co Dios chjana joachaxin para coín base. Co jé ni tette nchia ngataha base. Pero cada na rrochonda na cuidado quexen tsette na nchia ngataha base <sup>11</sup> ixin xonhi iná chojni nchao tsín iná base que jeho base que ojí, co jehe base mé jehe mero Jesucristo. <sup>12</sup> Co cada maestro nchao tsette quexeho clase de nchia ngataha base jihi, nchia de oro, de plata, co xo que anto fino inchin marmol, o nchia de nttatabla, de nttanehe co cachji. <sup>13</sup> Co are Jesucristo tsí conixin xohi para rrondacho quehe tsonhe, cottimeja tsonohe cada maestro mé quehe clase de nchia dinchechjian. Ixin cada nchia mé chonda que rroche nchia. <sup>14</sup> Co si chonja maestro dinchechjian nchia que rrocheha, maestro mé rroxenguehe hna. <sup>15</sup> Pero tti maestro que dinchechjian nchia que ndarroche, maestro mé ndasinchetján cainxin, masqui jehe mismo xonhi tsonhe, co jehe inchin ná chojni que sattingaxin de ngain ná xohi.

<sup>16</sup> ¿Apoco noaha ra que ixin jaha ra tti nih-

ngo para ixin Dios co Espíritu Santo jí nganji ra?  
<sup>17</sup> Si çhonja chojni sinchexantte ningoe Dios, Dios sinchexantte jehe chojni mé cai ixin ningoe Dios anto jian ningo ngattoxon con jehe, co jaha ra tti jehe nihngo mé.

<sup>18</sup> Masqui anto noha ra pero řaxaonha ra ixin anto ttinxin ra jian. Si ttoha ra tonoha ra que ixin anto noha ra inchin řaxaon chojni nttihi ngataha nontte, chonda ra que rrocjan ra inchin tti chojni que řonhi nohe para que sintte ra tti chojni que ndoa nohe, <sup>19</sup> ixin tti nohe chojni ngataha nontte nttihi řonhi řé para ixin Dios. Tti jitaxin Palabré Dios ndaço: “Dios nchenchehe tti chojni que anto nohe para que tti jehe na nchehe na řonhi řé.” <sup>20</sup> Cai ndaço ngain Palabré Dios: “Jehe tti chonda cain joachaxin nohe que řonhi rentte tti řaxaon cain chojni que anto nohe.” <sup>21</sup> Mexinxin ni ná jaha ra chondaha ra que tonoha ra orgulloso ixin tangui ra de ngain ná chojni maestro, ixin cainxin maestro co cainxin cosa jian Dios chjá ra para tsjenguijna ra ngain tti ditticaon ra. <sup>22</sup> Pablo, Apolos, Pedro, ngoixin mundo, vida, tti ndadenhe ni, tiempo jaxon, tiempo tsí, cainxin mé para tsjenguijna jaha ra. <sup>23</sup> Co jaha ra chojni Jesucristo co Jesucristo joixin de ngain Dios.

## 4

*Tti řa que joinchehe cain nirepresentanté Jesucristo*

<sup>1</sup> Jańá chonda ra que rrořaxaon ra que janha na jehó ninchehe řé Jesucristo. Janha na tti vitonna na para rronichja na tti jima de ixin Dios. <sup>2</sup> Nchao

remé, ná tti ditonhe ná cosa chonda que sinchehe cosa mé jian para jamé chojni sicon na que jehe ná chojni de confianza. <sup>3</sup> Pero para ixin janha, antoha tá joachjaon de ixin tti nichja chojni de ixin janha, jaha ra o ngain ná juzgado tti ttetonha chojni nttihi ngataha nontte. Ni janha mismo ndačhjanha ixin anto jian rrinttaha. <sup>4</sup> Masqui janha řaxanho que řonhi jianha rrinttaha, pero mé řa rročhoha ixin janha anto jian na. Jesucristo, tti chonda cain joachaxin, mé tti rrondačo ixin queřén na janha. <sup>5</sup> Mexinxin jaha ra ndačhoha ra icha saho ixin quehe tenchehe icha chojni; jaha ra chonhe ra hasta are tsí Jesucristo, tti chonda cain joachaxin, co jehe sinchenonxin cain tti jima ngain tti naxin xehe. Co jehe sinchenonxin cain tti teřaxaon ansén cada chojni. Cottimeja Dios rrochjé cada chojni inchin tequininxin na.

<sup>6</sup> Janha rrindattjo ra cain cosa jihi para tsjen-guijna jaha ra. Janha co Apolos ná ejemplo para ixin jaha ra para que icha jian tsinxin ra. Janha ndačhjan jańá para que de ixin ejemplona na jaha ra tsanguí ra sitticaon ra jeho tti ttetonha Dios, co para que ni ná ra tsonoaha ra orgulloso de ngain ná chojni co sincheha ra caso iná chojni. <sup>7</sup> ¿Quedonda řaxaon ra que jaho ra tti icha jian ra? ¿Quehe cosa chonda ra que jeha Dios chjá ra? Jehe Dios chjá ra cain cosa que jaha ra chonda ra, mexinxin ¿quedonda tonoha ra orgulloso ixin cain cosa que jaha ra chonda ra jeho conixin joachaxian ra chondaxin ra?

<sup>8</sup> Jaha ra tonoha ra que anto tsje cosa que joixin ngain Dios chonda ra, co chonda ra cain tti jaha ra rinao ra. Tonoha ra inchin rey, co janha na

ndacointtona ni ra iná lado. ¡Icha jian si ndoa jaha ra rroguinte ra rey para que janha na rroquetonha na cai ngain tti jaha ra ttetonha ra! <sup>9</sup> Janha tonona que janha na xó representanté Jesucristo na Dios cointtona na hasta tti último lugar. Janha na inchin tti chojni que tequininxin ndadenhe, janha na inchin ná joañoan que chojni ngoixin mundo dicon na na. Dicon na cain ángel cai. <sup>10</sup> Cain chojni ndačo na que ixin janha na chojni que xonhi chonxin ixin ditticanho na Jesucristo, co jaha ra tonoha ra que ixin anto ttinxin ra cain cosa de Jesucristo. Janha na xonhi importancia chonda na para ngain chojni co jaha ra tonoha ra anto importante ra. Cain chojni ncheha na na caso janha na, co jehe na chonda na respeto nganji ra. <sup>11</sup> Hasta jai janha na denhe na jintta co jinda co xonhi xé lontto que chonda na, co tsje chojni feo nchehe na nganji na co chondaha na nchia tti sintte na, <sup>12</sup> co tončhjen na ixin anto nttaha na xa conixin rana na. Nichja chojni feo nganji janha na, pero janha na nttatsán na ñao Dios que jehe sinchençaon jehe na. Chojni feo nchehe na nganji na pero janha na ttixinna na. <sup>13</sup> Nichja na cosa ndoaha de ixin janha na, pero janha na chjaha na na consejo conixin paciencia. Nchehe na nganji na inchin nchehe na ngain caxineno ngataha nontte; hasta jai tonna na ngain na inchin tti ixonhi xé de ngain chojni.

<sup>14</sup> Janha rricjianha ra cain cosa jiji para tsooaha ra, jeha para rrichjaha ra ná consejo ixin jaha ra inchin xanhna que anto rinaho ra.

<sup>15</sup> Co masqui jaha ra rrochonda ra hasta dies mil

maestro que sinttacoanha ra de ixin Jesucristo, pero cain mé xa sintteha inchin ndodá ra. Janha tti ndodá ra de ngain confianzé Jesucristo ixin janha tti joasondattjo ra de ixin tti jian joajna, co mexinxin Jesucristo chjá ra iná vida naroaxin are vitticaon ra joajna mé. <sup>16</sup> Mexinxin janha nttatsanha ñao ra que rroehe ra ejemplona.

<sup>17</sup> Janha rrorroanha Timoteo nganji ra co jehe inchin xanhna que anto rinaho ixin jehe ditticaon jian ngain Jesucristo. Jehe Timoteo tti sinttaxaxaon ra quexen janha nttaha ixin ditticanho Jesucristo co quexen janha nttacoán cainxin chojni que ditticaon Jesucristo ngain cainxin rajna. <sup>18</sup> Canxion jaha ra atto tonoha ra orgulloso ixin xaxaon ra que janha xaon na para sasotsjaha ra iná. <sup>19</sup> Pero janha rinaho que toin saso para sasotsjaha ra, si Jesucristo rinao. Cottimeja janha sicon si jaha ra xo tonoha ra anto orgulloso, ndoa chonda ra joachaxín Dios o ni nahi. <sup>20</sup> Ixin are Dios ottetonha ngain ansén ná chojni, mé nichjacoaha ixin palabré cai chonda joachaxín Dios. <sup>21</sup> ¿Quehe rinao jaha ra remé are janha saso? ¿Asaso para sinttacastigá ra o ni saso para rronichjaha ra chjoin?

## 5

*Pablo ndacho ixin quehe tsonhe chojni que nchehe jianha*

<sup>1</sup> Tenohe tsje chojni ixin ná de jaha ra techonda ra jeha jannajonha ra de čiha ra. Co jehe yá ná cosa anto jianha que ni tti chojni que ditticaonha Dios xa ncheha na jañá. <sup>2</sup> ¿Co jaha ra xa tonoha ra

ixin anto jian ra en lugar de rroguinttechinhi ra co rrocosoaha ra! Tti chojni que jinchehe cosa jianha yá jaha ra chonda ra que dantsjeyexin ra de nganji ra. <sup>3</sup> Masqui janha mero rriha nganji ra, pero janha oñaxanho de ixin quehe tsonhe tti xí que jinchehe jianha yá inchin janha mero rrojarihi nganji ra. <sup>4</sup> Xatte cainxin ra de ixin nombré Jesucristo, tti chonda cainxin joachaxin para ixin ján na, co joarrixaonna sehe nganji ra, co joachaxín Jesucristo sehe nganji ra. <sup>5</sup> Cottimeja tti xí que jinchehe cosa jianha yá ncheha ra consiente ngain ningoa ra; tančhjanda ra Satanás para sinchehe inchin jehe rinao ngain cuerpoe xí mé. Co puede jamé jehe xa sačhjenda xa de cosa jianha que nchehe xa para que xonhi tsonhe espiritue xa are tsí Jesucristo, tti chonda cainxin joachaxin.

<sup>6</sup> Jaha ra chondaha ra que tonoha ra orgulloso. ¿Anoaha ra que si ná chojni jinchehe cosa jianha ngayaha ra, sicon icha chojni co jehe rroñaxaon sinchehe jamé cai? <sup>7</sup> Denguixin ra de nganji ra tti chojni que jinchehe jianha yá para que cainxin ra sintte ra joxon chojni que xonhi jianha chonda. Jesucristo ondavenhe para ixin ján na inchin cain coleco que ndavaguenhe ngain quié pascua para que Dios vanchetjañehe na tti jianha que vanchehe na. <sup>8</sup> Mexinxin ján na rrochá na ngain jehe co sontte na jian ngain vidá na inchin rinao Jesucristo co ttintohe na nondaha tti vida jianha que nchaoha jí que ján na jointtoho na. Co jai ntosayehe na Jesucristo conixin vidá na jian que xonhi jianha tenttoho na inchin tti niottja que chondaha levadura para tosayexin Dios.

<sup>9</sup> Ngain saho cartana que rroanha ra joint-tatsanha ñao ra que tatoha ra tti chojni que ncheᵋoxinhi dinttejoacaho icha nᵋhí que jeha nᵋhiᵋhihi. <sup>10</sup> Pero janha ndaᵋhjanha que ixin ndasaᵋhjendehe ra cain chojni de ngain mundo, rroᵋho tti chojni que ditticaonha Jesucristo. Ndoa, que chojni que ditticaonha Jesús ncheᵋoxinhi na dinttejoacaho na icha nᵋhí que jeha nᵋhiᵋhihi na, co jehe na anto rinao na rrochonda na icha co icha cosa, co jehe na chehe na, co jehe na nchesayehe na ídolo. Co para que jaha ra te ra ngataha nontte jihi, jaha ra chonda ra que sintte ra ngayé cain chojni yá. <sup>11</sup> Pero janha ndaᵋhjan que jaha ra chonda ra que saᵋhendehe ra cain chojni que ndaᵋho ixin ditticaon na Jesucristo co ᵋa nchehe na cosa jianha. Inchin puede ncheᵋoxinhi na dinttejoacaho na icha nᵋhí que jeha nᵋhiᵋhihi na, o rinao na rrochonda na icha co icha cosa, o nchesayehe na ídolo, o ncheᵋoxinhi na nichja na feo de iná chojni, o ncheᵋoxinhi na coan na, o ttehe na cosé iná chojni. Tti chojni de jaha ra que nchehe jañá ni para sinttecoho ra chondaha ra que tsonchienhe ra ngain. <sup>12</sup> Janha ᵋonhi joachaxin chonda para rrondaᵋhjan de ixin quehe tenchehe tti chojni que ditticaonha Cristo. Pero jaha ra chonda ra que rrondaᵋho ra de ixin tti jianha que tenchehe tti chojni que ditticaon Jesucristo inchin jaha ra. <sup>13</sup> Co tti chojni que ditticaonha Cristo, Dios tti rrondaᵋho de ixin quehe tenchehe na, ¿ajian o ni nahi? Pero jaha ra chonda ra que rrondaᵋho ra de ixin quehe tenchehe tti chojni que ditticaon Jesucristo. Mexinxin jaha ra dantsjejehe ra de ngayaha ra tti xí que jinchehe cosa jianha yá.

## 6

### *Are chojni coeto na ngain xijuez que vaguitticaonha Jesucristo*

<sup>1</sup> Are chonja ra rrochonda ra ná cosa que tsjangui ra de ixin iná chojni que ditticaon Jesucristo, nchaoha jí si jaha ra sicjangui ra ngain xijuez que ditticaonha Jesucristo en lugar de rroguicjangui ra ngain xajeho chojni que ditticaon Jesucristo para que jehe chojni mé rrondačo quexehe ra xo chonda ra razón. <sup>2</sup> ¿Apoco noaha ra que ngain tiempo que tsí chojni que ditticaon Jesús sinchejuzguehe na chojni que ditticaonha Jesucristo? Mexinxin jai, ¿quedonda jeha jaho ra nchechjian ra cain asunto icha tanguiha que jaha ra chonda ra? <sup>3</sup> ¿Apoco noaha ra que ján na nchao sonttojuzguehe na hasta ángel? ¡Co mé chojni que ditticaon Jesucristo ngain tiempo jihi čoha xijonttonhe na ná jie! <sup>4</sup> Co are jaha ra chonda ra problema de ngain tiempo jihi, ¿quedonda dicjangui ra ngain xijuez que ditticaonha Jesucristo? <sup>5</sup> Janha ndačhjan yá para que rrochonda ra joasoaxin. ¿Apoco coha ngayaha ra ni ná chojni que nohe jian para que jehe chojni mé tti rrojinttajuzgaha ra cain jaha ra xo ditticaon ra Jesucristo? <sup>6</sup> ¿Apoco jiquininxin que ná chojni que ditticaon Cristo sičo jie de ixin iná chojni Jesucristo ngain xijuez que ditticaonha Jesucristo?

<sup>7</sup> Mexinxin atto nchaoha jí tteto ra jaho ra. Icha jian si ttixinha ra are nicompañeroa ra feo sinchehe na nganji ra. Co icha jian si jaha ra toñaoha ra are tsaha ra na cosá ra. <sup>8</sup> Pero jaha ra en lugar de rrojinchehe ra jamé, jaha ra nchehe

ra feo cai inchin jehe na, co cai hasta ttehe ra cosé xajeho chojni que ditticaon Jesús.

9-10 ¿Apoco noaha jaha ra que tti chojni que ncheha jian seha ngain parte tti ttetonha Dios? Dittoaxinha ra sinttayaha ra na ixin ngain parte tti ttetonha Dios čhoha sintte tti chojni que puro ncheřoxinhi tsontaonxin nčhí co doanha nča nčhičihi, ni chojni que nchesayehe ídolo, ni chojni que ncheřoxinhi dinttejoacaho icha nčhí que jeha nčhičihi, ni xí que chonda xajeho iná xí inchin rrocji nčhičihi, ni tti chehe que tté cosé iná chojni, ni chojni que anto rinao rrochonda icha co icha cosa de ngataha nontte, ni chojni que puro coan, ni chojni que nichja cosa ndoaha ngain iná chojni, ni tti chojni que nichja ná cosa seguro co jehe ncheha. Tonoha ra jian que cainxin chojni yá čhoha sintte ngain parte tti ttetonha Dios. <sup>11</sup> Canxion jaha ra jańá vanchehe ra cai, pero Jesucristo, ttí chonda cainxin joachaxin, co Espíritu Santo que Dios rroanha ojointtaroa ra de cain cosa jianha que joinchehe ra, co jointtajoxon ra chojni jian, co mexinxin Dios vayé jaha ra co ndačo que jaha ra joxon chojni jian que xonhi jianha chonda ra.

*Tti jiquininxinha sinchehe ni ngain cuerpoe ni*

<sup>12</sup> Jehe ni ndačo ni que nchao sinchehe ni cain tti sinoa ni. Co ján ndoa, pero jeha cainxin mé jian para ixin jehe ni. Si ná ni sinchehe ni lo que sinoa ni, pero sicao ni cuidado que ni ná cosa mé tsetoanha ngain cuerpoe ni. <sup>13</sup> Ján, ndoa que cain tti jine ni sattji para ngain tsejnoe ni co tsejnoe ni para tti jine ni, pero cayoi cosa mé ndatsjexin

are ndasenhe ni. Pero jeha ndoa que cuerpoe ni para ngain iná nchí que jeha nchíchihi ni; cuerpoe ni jeho para ixin Jesucristo, tti chonda cain joachaxin, co Jesucristo jí para ixin cuerpoe ni. <sup>14</sup> Co jañá inchin Dios joinchexechon Jesucristo, jamé sinttaxechon na ján na cai conixin joachaxín jehe.

<sup>15</sup> ¿Apoco ttinxinha jaha ra que cada cuerpo que jaha ra chonda ra, mé ná parte de cuerpoe Jesucristo? ¿Apoco nchao tsá na ná de tti parte de jehe cuerpoe Jesucristo para sanjo na ngain cuerpoe ná nchí que dachaxin tomi cuerpoe? ¡choha sontoho na jamé! <sup>16</sup> ¿Apoco noaha jaha ra que are ná xí de joacaho xa ná nchí que dachaxin cuerpoe tomi, cayoi na tonchjian na inchin nacoa cuerpo? Ngain tti jitaxin Palabré Dios ndačo: “Cayoixin chojni sintte na inchin nacoa chojni.” <sup>17</sup> Pero are ná chojni ditticaon ngain Jesucristo, chojni mé co Jesucristo dintte na inchin nacoa chojni ixin chonda jehe na xajeho Espíritu Santo.

<sup>18</sup> Mexinxin janha rrindattjo ra que dinttechincoha ra nchí que jeha nchíchiha ra. xonhi iná cosa icha jianha para ixin cuerpoe ni, jeho cosa mé ixin are ná chojni nchehe cosa jianha yá, jeho nchehe jianha ngain cuerpoe. <sup>19</sup> Jaha ra noha ra que cuerpoa ra mé ningoe tti Espíritu Santo que Dios chjá ra, co Espíritu Santo jí ngaxinhi cuerpoa ra. Jeha jaha ra tti ttetonha ra ngain cuerpoa ra, <sup>20</sup> ixin Dios anto rentte cjoenga hna para ixin cuerpoa ra. Mexinxin chonda ra que nchesayehe ra Dios de ngain cuerpoa ra co de ngain espiritua ra ixin cayoi cosa mé cosé Dios.

## 7

*Consejo para chojni que tecaó chó*

<sup>1</sup> Jai rronhattjo ra tti jaha ra joanchianguina ra ngain cartá ra. Ján ndoa, jian para que xí secao ha xa nchí. <sup>2</sup> Pero ixin anto tsje chojni puro rinao tsontaonxin chó, mexinxin icha jian si cada xí rrochonda xa nchíchihi xa co cada nchí rrochonda ncha xixihi ncha. <sup>3</sup> Co xixihi nchí chonda xa que sinchehe xa inchin jiquininxin ngain nchíchihi xa, co cai nchí chonda ncha que sinchehe ncha inchin jiquininxin ngain xixihi ncha. <sup>4</sup> Cuerpoe nchíchihi ná xí jeha jehe ncha tti cuerpoe ncha ixin cuerpo mé jiquininxin xixihi ncha. Co xajeho ngain xixihi nchí cai, nchíchihi xa tti jiquininxin cuerpoe xa. <sup>5</sup> Xo nchí ra, are xixiha ra sinao xa cuerpoa ra ndachoha ra que nahi, co cai jaha ra xo xí ra, are nchíchiha ra sinao ncha cuerpoa ra, cai ndachoha ra que nahi. Jeho si jaha ra sinao ra rrochjeha chó ra cuerpoa ra ixin sinchecoanxinhí ra Dios. Cottimeja nchao rrochjehe chó ra cuerpoa ra ixin puede tsixianha ra sé tiempo, co puede Satanás rronhattjo ra co sinchehe ra cosa jianha.

<sup>6</sup> Janha rrinhattjo ra cain jiji, co rrocho que janha rridanjo joachaxin que nchao sinttecoho chó ra si jaha ra sinao ra, co cai nchao si jaha ra sinaoha ra sinttecoho chó ra. <sup>7</sup> Janha rojinaho que cain jaha ra xonhi nchí rroquinttecoho ra inchin janha, pero cada na Dios chjá na joachaxin de quexén sontte na; ttoha na sonttecoho na nchí co te na nahi.

<sup>8</sup> Cain chojni que xa tecaoha chó co cain nchiganha que xonhi xí tecaó, janha ndachjan

que icha jian para ixin jehe na si iḡonhi nḡhí o xí sinttecao na; janhi inchin janha. <sup>9</sup> Pero si jehe na tsixinha na, nchao tsjé na nḡhíchihi na o xixihi na ixin icha jian rrochonda na nḡhíchihi na o xixihi na que puro rroḡaxaon na de ixin nḡhí o de ixin xí.

<sup>10</sup> Pero cain ra ḡo otecoho ra nḡhíchiha ra o xixiha ra, janha rritetonha ra que nḡhí tsinttoeha nḡha xixihi nḡha. Tti janha rritetonha jiji joixinha de ngain joarrixaonna, sino que joixin de ngain Jesucristo, tti chonda cain joachaxin.

<sup>11</sup> Pero si ná nḡhí saḡhjenjehe nḡha xixihi nḡha, jehe nḡha ḡhoḡa secoa nḡha iná xí, pero ḡa nchao rrocjanttehe nḡha ḡajeho xixihi nḡha. Co ḡajeho ngain xixihi ná nḡhí cai, jehe xa ḡhoḡa saḡhjenjehe xa nḡhíchihi xa.

<sup>12</sup> Icanxin chojni ndattjan na inchin janha nona, ixin ḡonhi coetonha Cristo de ixin jiji. Si ná xí que ditticaon Jesucristo co ḡihi xí mé ditticaonha nḡha, pero si jehe nḡha jí nḡha conforme para tasecao xí mé ngoixin vidé nḡha, jehe xí mé chondaha xa que tsinttohe xa nḡhíchihi xa. <sup>13</sup> Si ná nḡhí ditticaon Jesucristo co xixihi nḡha nahi, pero si jehe xa jí xa conforme para tasecao xa nḡhí mé ngoixin vidé xa, cai jehe nḡhí mé chondaha nḡha que saḡhjenjehe nḡha xixihi nḡha mé. <sup>14</sup> Ixin tti xixihi ná nḡhí que ditticaonha xa Jesucristo co jehe nḡha ditticaon nḡha, Dios ojoinchenaon xí mé ixin jehe xa jicao xa nḡhí que ditticaon Jesucristo. Co nḡhíchihi ná xí que ditticaonha nḡha Jesucristo co jehe xa ditticaon xa, cai nḡhí mé Dios ojoinchenaon nḡha ixin jehe nḡha jicao nḡha xí que ditticaon Jesucristo. Si jeha jamé, xanha

ra sintte xan inchin xenhe chojni que ditticaonha Jesucristo, pero ixin masqui jeho ná ra ndoa ditticaon ra Jesucristo, mexinxin cai xanha ra Dios ojoinchenaon xan. <sup>15</sup> Pero si xixihi ná nchí o nchiçhihi ná xí que ditticaonha Jesucristo sinao sachjendehe xixihi o nchiçhihi, tançhanda ra na sinchehe na. Cottimeja tti xí o tti nchí que ditticaon Jesucristo chonda libertad, ixin Dios rinao que tti chojni que ditticaon Jesucristo sintte na çhjoin ngain vidé na. <sup>16</sup> Co si jaha ná nchí, ¿queén noanxin ixin anchao tsjenguijna xixiha para sitticaon xa Jesucristo? O si jaha ná xí, ¿queén noanxin ixin anchao tsjenguijna nchiçhiha para sitticaon ncha Jesucristo?

<sup>17</sup> Mexinxin cada chojni chonda que sintte na ngain vidé na de acuerdo conixin tti joachaxin que joanjo Jesucristo co inchin jehe na vintte na are Dios vayé na. Jañá ttetonha janha ngain cain chojni que ditticaon Jesucristo. <sup>18</sup> Si Dios vayé chojni que chonda çohe que dinhi circuncisión ngain cuerpoe, chojni mé chonda que jamé sittohe conixin çohe mé. Co si Dios vayé chojni que chondaha çohe que dinhi circuncisión ngain cuerpoe, chojni mé chondaha que rrochonda çohe. <sup>19</sup> Ixin jeha importante para que cain chojni rrochonda çohe mé; tti importante que cain na sitticaon na cain tti ttetonha Dios. <sup>20</sup> Cada chojni chonda que sintte na inchin vintte na are Dios vayé na. <sup>21</sup> Si jaha joarihi ná ninchehe ça que dicochji ngain xinajni are Dios vayaha, jaha taha joachjaon de ixin mé. Masqui jamé, si jaha chonda oportunidad de sarihi libre, nchao, ixin icha jian sarihi libre.

<sup>22</sup> Tti chojni que vehe ninchehe ꝥa que dicochji ngain xinajni are Dios vayé na para que jehe na vitticaon na ngain Jesucristo, jai jehe na te na libre para ngain ꝥé Jesús. Co cai, tti nivintte libre are Dios vayé na, jai jehe na te na inchin tti nchehe ꝥa que tochji pero de ngain Jesús. <sup>23</sup> Dios anto rentte coenanxin jaha ra, mexinxin dittoaxinha ra para que iná chojni tsetonha ra. <sup>24</sup> Jañá, cada ra dintte ra ngattoxon con Dios inchin jaha ra vintte ra are Dios vayaha ra.

<sup>25</sup> Co cain chojni que ꝥa tecaoha nčí o xí, janha ꝥa ꝥonhi tsetoan na ixin Jesucristo ꝥonhi coetonha de ixin jehe na, pero janha rroundattjan na tti janha ꝥaxanho ixin tti janha ꝥaxanho jehe jian ixin Dios chjana tti janha ꝥaxanho. <sup>26</sup> Cain chojni que ditticaon Jesucristo tiempo jai atto tsje peligro tetonchienhe ngain na, co tiempo inchin jihi, para ixin janha, puede icha jian para cain chojni que ꝥa dinttecaoha nčí o xí, isinttecaoha chó na. <sup>27</sup> Pero tti chojni que otecao čihi o xixihi irroꝥaxaonha na para tsinttohe chó na. Pero tti chojni que ꝥa dinttecaoha chó, icha jian irroꝥaxaonha na para sinttecao chó na. <sup>28</sup> Pero si sinttecao chó na cai nchao jí ixin mé jeha cosa jianha. Cai si ná xannčí secoa xan xixihi xan, cai mé jeha jianha sinchehe xan. Pero tti chojni que sinttecao chó rrochonda na problema ngain vida jihi, co janha rinaho que rrochondaha na problema mé.

<sup>29</sup> Janha rinaho rroundattjo ra ixin atto tsjeha tiempo dittoá na jai pa ndaha. Mexinxin cain chojni que tecaó čihi o xixihi chonda que sinchehe na ꝥé Jesucristo como si rrochondaha na čihi na o xixihi na. <sup>30</sup> Co tti chojni que anto techín,

chonda que sintte na como si xonhi joachjaon rroguinttechonda na. Co tti chojni que techonda quiai, chonda que sinchehe na como si xonhi quiai rroguinttechonda na. Co tti chojni que coehna na cosa, chonda que sintte na como si rrochondaha na cosa mé. <sup>31</sup> Co tti chojni que anto nchegonda na tti cosa que jí ngataha nontte, chonda que sintte na como si rrojinchegondaha na cosa mé, ixin mundo jihi que ján na docon na ondajittjexin.

<sup>32</sup> Janha rinaho que jaha ra rrochondaha ra joachjaon. Are ná xí que xonhi nchí jicao, jehe xa icha xaxaon xa de ixin Dios co nchehe xa xé Dios ixin rinao xa que Dios nchexoxinhi tti jehe xa nchehe xa. <sup>33</sup> Pero are ojicao xa nchí, jehe xa icha xaxaon xa cain cosa de ngataha nontte jihi, co para que čhihi xa nchexoxinhi ncha tti jehe xa nchehe xa. <sup>34</sup> Cai jí diferencia de ngain nchí que tecaó xí conixin nchí que tecaoha xí. Nchí que tecaoha xí icha xaxaon ncha cosa de Dios para que te ncha jian ngain Dios de ngain cuerpoe ncha co de ngain espirítue ncha. Pero tti nchí que tecaó xí icha xaxaon ncha cosa de ngataha nontte jihi co para que xixihi ncha sinchexoxinhi xa tti jehe ncha tenchehe ncha.

<sup>35</sup> Janha rrindattjo ra cain jihi pero jehó para tsjenguijnaxin ra, jeha para que jaha ra isinttecoha chó ra ndoa. Janha rinaho que sinchehe ra cain cosa inchin jiquinixin co rinaho que cain tiempo sinchehe ra jian xé Jesucristo, tti chonda cain joachaxin.

<sup>36</sup> Pero si ná chojni xaxaon que icha jian para que xenhe secoo xan xí, ixin ojidattohe xan de xannchí, co si para ixin jehe chojni mé jihi tti icha

jian, nchao sinchehe remé. Nchao secoa xenhe chojni mé xí. Mé jeha cosa jianha para ixin Dios. <sup>37</sup> Pero si ná chojni řaxaon que xenhe secoaha xan xí co si ndoa jehe jamé rinao sehe xenhe, cai chojni mé nchao nchehe. <sup>38</sup> Jańá, tti rinao que secoa xenhe xí nchao nchehe, co tti rinaoha que secoa xenhe xí icha nchao nchehe.

<sup>39</sup> Ley de Dios ndařho que tti nřhí que tecaó xixihi, jehe nřha chonda que sitticaon nřha tti rrondařho xixihi nřha hasta ndasenhe xa. Pero si xixihi nřhí mé ndasenhe xa, jehe nřha sittohe nřha libre para secoa nřha quexeho xí que jehe nřha sinao nřha, pero ná xí que ditticaon Jesucristo. <sup>40</sup> Pero janha ndařhjan que jehe nřha icha feliz sehe nřha si ixonhi xí secoa nřha, jihi tti řaxanho janha, co toenaho que tti janha rrindattjo ra jihi joixin de ngain Espíritu Santo que Dios rroanha.

## 8

### *Tti danjo chojni ngain ídolo*

<sup>1</sup> Janché rrondattjo ra quehe rrořho tti danjo chojni ngain ídolo. Ján, ndoa que cain na řaxaon na que chonxin na co noa na jian de ixin cosa jihi, pero tti ján na noa na, mé řonhi řé ixin anto tonoa na orgulloso. Pero si sonao chó na, mé tti sinttasoji na ngain tti dotticaon na de ixin Jesucristo. <sup>2</sup> Si řhonja chojni tonohé que jehe anto nohe pero jehe řa řonhi nohe ixin řa ditján tti jiquininxin tsonohe. <sup>3</sup> Pero tti chojni que rinao Dios, Dios jí ngain chojni mé.

<sup>4</sup> Mexinxin, ¿quehe chonda na que sonttoho na? ¿Asontte na tti nttao que ttinhi na ídolo? Ján, ndoa

noa na jian que ná ídolo nañoinxon joachaxin chonda ngain cain chojni, ixin jí jeho nacoaxinxon Dios. <sup>5</sup> Canxion chojni ndačo que ixin jí tsje dio que chonda joachaxin ngajni co nttihi ngataha nontte, co jehe na ncheguinho na, señor. <sup>6</sup> Pero ján na noa na que jí nacoaxinxon Dios, tti Ndo dá na. Ndo mé Ndo joinchechjian cainxin cosa, co ján na te na para ixin jehe Ndo. Cai jí nacoaxinxon tti dinhi Señor, co jehe mé Jesucristo. De ixin jehe jixin cainxin cosa, hasta ján na texin na cai.

<sup>7</sup> Pero cainxinha chojni nohe jiji. Canxion nidditticaon Jesucristo jai vintte na acostumbrado de vanchesayehe na ídolo. Co jai xa ttinxinha na jian de ixin Jesucristo. Mexinxin are jine na tti nntao que dehe na ngain ídolo, tonohé na feo ixin xa xagoen na ídolo mé. <sup>8</sup> Seguro que Dios ndosenha si ján na sontte na nntao mé o ni nahi. Jaha icha jianha na si sontte na nntao mé, ni jaha icha jian na si sontteha na nntao mé. <sup>9</sup> Pero ttijho ra cuidado de ixin tti joachaxin que jaha ra cóa ra de ixin sintte ra cain cosa, ixin puede de ixin tti sinchehe ra jaha ra icha chojni sinchehe na jianha ixin xa ttinxinha na jian de ixin Jesucristo. <sup>10</sup> Nttihi jí ná ejemplo: si ná de jaha ra xo ojian ttinxin ra de ixin Jesucristo, co noha ra de ixin cain cosa jiji sintte ra sintte ra ngain lugar tti icha chojni nchesayexin ídolo co sicon ra iná chojni que xa ttinxinha jian de ixin Jesucristo, chojni mé nchao rrořaxaon sine cai tti cain cosa que saquehe na ngain ídolo. <sup>11</sup> Jañá jaha ra ixin ottinxin ra jian sinchetján ra iná chojni tti xa ttinxinha jian, co Jesucristo venhe cai para ixin chojni mé. <sup>12</sup> Mexinxin are jaha ra sinchetján ra

tti chojni que ŝa ttinxinha jian de ixin Jesucristo, jaha ra cai rroĉho que sinchehe ra jianha ngain mero Jesucristo. <sup>13</sup> Mexinxin, si janha sinttatján tti chojni que ŝa ttinxinha jian de ixin Jesucristo are jehe chojni mé sicon na janha sine tti nntao que daquehe na ídolo, icha jian ŝonhi tiempo janha sine nntao mé para sinttatjanha chojni mé ngain cosa jianha.

## 9

### *Derecho que chonda ná representanté Jesucristo*

<sup>1</sup> Ján, ndoa que janha chonda joachaxin co cain derechoe ná representanté Jesucristo. Janha vi-con Jesucristo, tti chonda joachaxin para ixin ján na, co jaha ra tti ŝa que janha jointtaha para ixin jehe. <sup>2</sup> Puede icanxin chojni ŝa chonxinha na na janha ixin janha ná representante na. Pero jaha ra chonda ra que chonxin ni ra janha ixin janha tti ndattjo ra para que jaha ra vitticaon ra ngain Jesucristo, co yá ná prueba que ndoa janha ná representante na de Jesucristo.

<sup>3</sup> Co jihi tti rrondaĉhjan ngain cain chojni que ncheŝoxinha tti janha rrinttaha: <sup>4</sup> janha chonda derecho de sayá cain tti rroĉjana na para sine co cain tti rroĉjana na para sihi, <sup>5</sup> co cai para rro-chonda ná ĉihna que ditticaon nĉha Jesucristo sacjinha nĉha ngain viajena tti ĉji, jañá inchin nchehe tti icanxin representanté Jesucristo inchin Pedro co xanchó Jesús. <sup>6</sup> ¿O apoco ŝaxaon ra que janho co Bernabé tti tequininxin na sinttaha na yó ŝa ngain nacoa tiempo? ŝa para sachaxin na tomi que sondana na, co ŝa de rrondattjo ra tti

jian joajna. <sup>7</sup> Xaxaon ra jian que xonhi xisoldado jí que jehe xa ttjenga xa hna cain gastoe xa. Co xonhi chojni que ttjenga nttauva que jehe jineha ttochjoín ntta. Co xonhi chojni que ttingaria coleco que jehe diha tsjinhi va. <sup>8</sup> Co xaxaonha ra ixin jehó xí ngataha nontte xaxaon jihi, ixin cai Dios coetonhe Moisés para coentaxin de ixin jihi ngain libro tti jitaxin ley de Dios. <sup>9</sup> Co ngain libro mé jitaxin: “Ttengueha ra coxinttaha nchisen are tondai va trigo.” Dios ndačhoha jihi de ixin jehó coxinttá, <sup>10</sup> jehe ndačo jañá para ná ejemplo para ixin ján na. Ley jihi jian para ixin ján na ixin tti nchehe xa ngataon jngui co tti tondai trigo chonda na derecho de sayé na parte de cosecha. <sup>11</sup> Mexinxin, si janha na coenga na ngayaha ra palabré Dios, ¿apoco tonoha ra atto tsje si jaha ra rrochjana ra nchion tomi para sinenxin na? <sup>12</sup> Si icanxin chojni chonda na derecho jihi de chjehe ra na tomi, mé icha janha na.

Pero janha na nntagondaha na derecho que janha na chonda na. Janha na nttaha na icanxin xa para dachaxin na tomi que dondana na co para que jaha ra, xo rinao ra sitticaon ra tti jian joajné Jesucristo, tsonoaha ra molestia de ixin janha na. <sup>13</sup> Jaha ra noha ra que tti nchehe xa de ngain nin-goe chojni judío de ngain nihngo sachaxin na tti sine na. Rročo que tti chojni que nchehe xa ngain alté Dios, tti ttín na nntaohe coxigo para ixin Dios, chojni mé jine tti nntao que dehe nttiha. <sup>14</sup> Xajeho cai, Jesucristo ndačo que tti chojni que nichja tti jian joajna, chojni mé de ngain xa mé sachaxin na tti sine na. <sup>15</sup> Pero janha xonhi tiempo joint-

tagonda ni ná derecho jiji, ni cai jeha rricjinha ra jiji para que jaha ra rrochjana ra nchin tomi. ¡Para ixin janha icha jian si saho ndasenxin na jintta que ná chojni santsjena tti çhjoin que tsonohe ansenna de ixin jiji!

<sup>16</sup> Janha nichja tti jian joajna ngain chojni pero rinaoha que chojni sinchesayana ixin Dios co-tonna que rronichja joajna mé. Co anto tangui tsonna si janha rrondaçhjanha joajna jiji. <sup>17</sup> Si janho rroguinchiá ãa jiji, Dios rrocjengana hna. Pero jeha jamé ixin ãa jiji ná responsabilidad que Dios chjana, co çhoja rrondattjan que nahi. <sup>18</sup> Mexinxin tti anto çhjoin tonona are ndattjan chojni tti jian joajna, jiji tti xenga na hna co çonhi chojni ndattjan ixin tsjengana hna tomi. Rroçho janha nntagondaha derechona para rrogacha tomi de ngain ãana ixin janha nichja tti joajna mé.

<sup>19</sup> Masqui janha jeha ninchehe ãé de ni ná chojni, janha goan na ninchehe ãa de cainxin chojni para dacha icha chojni para ixin Jesucristo. <sup>20</sup> Are janha rrihi ngayé chojni judío janha cjan na inchin chojni judío para dacha jehe na para ixin Jesucristo. Rroçho para tti anto ditticaon ley que vayé Moisés, janha cai ditticanho ley mé para que janha dacha jehe na, masqui janha chondaha que nttaha inchin ttetonha ley mé. <sup>21</sup> Co para que janha dacha para ixin Jesús tti chojni que ncheha inchin ttetonha ley que vayé Moisés, janha cjan na inchin jehe na cai. Masqui ján, janha nttaha inchin ttetonha ley de Dios ixin janha ján orrinttaha inchin ttetonha ley de Jesucristo. <sup>22</sup> Co are janha

rrihi ngain chojni que xa ttinxinha jian de ixin Jesucristo, janha nttaha inchin costumbré jehe na para que janha chonda oportunidad de ndattjan na icha de ixin Jesucristo, jamé nttaha para que jehe na icha ttinxin na. Rroçho janha darihi inchin cada naná jehe na para que jamé nchao Jesucristo tsjenguijna canxion na para xonhi castigo rrochonda na de cain cosa jianha que nchehe na. <sup>23</sup> Ján, nttaha cain jihi para que nttanoa chojni tti jian joajna co para que janha cai rrochonda tti jian que Dios danjo.

<sup>24</sup> Jaha ra onoha ra que ngain ná juego de carrera cain ni ttinga ni pero jehó nacoaxinxon tti dacha. Jamé ttinga jaha ra cai para que jamé sachá ra. <sup>25</sup> Cain tti chojni que doan preparado cuerpoé para rrotsontaon ngain ná juego, chojni mé jineha cosa que sinchehe daño co ncheha cosa que sinchehe daño ngain cuerpoé. Co cain chojni mé nchehe na jamé jehó para dacha na ná premio jehó ná corona de qué nttalaurel que tonçhjenha sé. Pero ján na nttoho na lucha para que sachá na ná premio que tsonçhjenhe para cainxin tiempo. <sup>26</sup> Para ixin janha jeha jamaoncoa ttinga; janha jeha ttinga para sinttatján. Co cai janha inchin ná xiboxeador que tjacoaha tton ngataonhe çhinto. <sup>27</sup> Janha nttaguetan cuerpona tangui co nttaha para que cuerpona sitticaon na janha para que janha sinttatjanha tti janha ditticanho que janha jointtacoán icha chojni.

## 10

*Pablo rinaoha que chojni sinchesayehe na ídolo*

<sup>1</sup> Janha rinaho que jaha ra tsonoha ra tti conhe nindogoelitoa na xančhjen ngatja nttiha are anto osé. Para que jehe na sacjoi na, Dios rroanha ná ttjoi para vitaonhe na nttiha. Co Dios conxiré ndachaon para vehe ná nttiha tti jehe na vattoxin na ndachaon que dinhi Mar Rojo. <sup>2</sup> Ttjoi jihi co tti conhe ndachaon, jihi ná señal que Dios coinchiehe Moisés para savicao jehe na co rročo que por ixin milagro jihi que Dios chjé Moisés, jehe na joiguite na ngain. <sup>3</sup> Co cai cain jehe na joine na tti joanjo Dios <sup>4</sup> co cain jehe na vihi na tti jinda que vachjedoxin xo co jinda mé Dios joanjo cai. Co tti xo mé inchin Cristo. <sup>5</sup> Co masqui jamé, anto tsje na vitticaonha na Dios, co mexinxin cain nimé ndavintteguenxin na nttiha ngagaha jna.

<sup>6</sup> Cain jihi conhe inchin ná ejemplo para ixin ján na para que ján na sonaoha na cosa jianha inchin jinao na jehe na. <sup>7</sup> Mexinxin jaha ra nchesayeha ra ídolo inchin joinchehe canxion jehe na. Noa na que joinchesayehe na ídolo ixin ndačo tti jitaxin Palabré Dios: “Tti chojni nttiha vintte na joine na co vihi na. Cottimeja vinttengatjen na vinttette na són para joinchesayehe na tti coxinttachjan de oro.” <sup>8</sup> Co ján na chondaha na que rrotsontaonxin na nchí que jeha nchíchiha na inchin vinttenchehe canxion jehe na, co mexinxin vintteguenxin veintitrés mil na ngain nacoa nchanho. <sup>9</sup> Ni chondaha na que tsjá na paciencia que chonda Dios inchin joinchehe canxion jehe na, co mexinxin conché joinehe va jehe na co ndavintteguenhe tsje na. <sup>10</sup> Ni tsoñaoha na ngain Dios inchin joinchehe canxion jehe na, co mex-

inxin Dios rroanha ná ángel de jehe co ndagoen tsje na.

<sup>11</sup> Cain jihi conhe nindogoelitoa na xančhjen are saho co vetaxin ngain tti jitaxin Palabré Dios inchin ná ejemplo para ixin ján na para que ján na isonttoha na jamé inchin joinchehe jehe na ixin ján na techon na ngain tiempo que ochian ndatsjexin mundo. <sup>12</sup> Mexinxin jaha ra xo tonoha ra que ojian ditticaon ra Jesucristo ttjiho ra cuidado para que sincheha ra jianha. <sup>13</sup> Tti tangui que jaha ra tonha ra xajeho jamé tonhe cainxin chojni cai. Pero jaha ra nchao chonda ra confianza ngain Dios ixin jehe sanjoha icha tangui nganji ra, jeho tti jaha ra nchao tsixinha ra. Ixin are rrochonda ra tangui, Dios sinttanoha ra ngain ansean ra para que xén sinchehe ra para sachjexin ra de ngain tangui mé. Co jamé tsixinha ra ngain cain cosa tangui.

<sup>14</sup> Mexinxin, cain jaha ra hermano, nchesayeha ra ídolo. <sup>15</sup> Janha ndattjo jaha ra jañá ixin jaha ra nchao ttinxin ra, co xaxaon ra jian si jeha ndoa tti janha ndattjo ra. <sup>16</sup> Are dayé na tti vaso de vino ngain Santa Cena co are ján na donho na vino mé, jamé nttoho na ixin rrocho que ján na dotticaon na ixin Jesucristo jehe cointtji jní para ixin ján na. Co are jontte na tti niottja que ján na tonchjea na, jamé nttoho na ixin rrocho que ján na dotticaon na ixin Jesucristo jehe joanjo cuerpoe para ixin ján na. <sup>17</sup> Masqui ján na anto tsje na, pero cain na jontte na xajeho niottja mé co jihi rrocho ixin cain na nacoaxinxon cuerpo na para ngain Jesucristo.

<sup>18</sup> xaxaon ra de ngain chojni Israel; are jehe

na jine na nntao que dehe ngain mesé Dios, tjago na ixin cain jehe na nacoaxinxon cuerpo para ngain Dios. <sup>19</sup> Ndaçhjanha que ixin ídolo techon o chonda joachaxin, ni tti nntao que daquehe chojni ngain jeha icha jian nntao que cain icha nntao. <sup>20</sup> Tti janha ndaçhjan rroçho que are tti chojni que chonxinha Dios daquehe nntao ngain ídolo, nntao mé para ixin espíritu jianha ixin nntao mé jeha para ixin Dios. Co janha rinaoha que jaha ra sinchesayehe ra espíritu mé. <sup>21</sup> çhoça sixin ra ngain vasoe Jesucristo co sixin ra ngain vasoe espíritu jianha. çhoça sinttexin ra ngain mesé Jesucristo co sinttexin ra ngain mesé espíritu jianha. <sup>22</sup> ¿Apoco sonao na sonttoñao na Jesucristo? ¿Apoco icha soji ján na que jehe?

*Tti nchao sinchehe ni co tti sinao chó ni ixin ditticaon ni Cristo*

<sup>23</sup> Jáñ, ndoa tti ndaço na que ná ni nchao sinchehe ni lo que sinao ni, pero cainxinha jian para ixin jehe ni. Jáñ, ná ni nchao sinchehe ni lo que sinao ni, pero jeha cainxin tti sinchehe ni tsjenguijna ni para sitticaon ni Jesucristo icha. <sup>24</sup> Chonda ni que tsjé ni tti jian para icanxin chojni co jeoha tsjé ni jian para ixin jeha ni.

<sup>25</sup> Jaha ra nchao jintte ra cainxin tipo de nntao que tochji ngain ndásin. Jaha ra chondaha ra joaçhaon de sintte ra quexeho nntao mé co danchi-anguiha ra si vehe nntao mé ngain ídolo o ni nahi <sup>26</sup> ixin nontte co cain cosa que jí ngataha nontte Dios joinchechjian cain mé co cain mé cosé jehe.

<sup>27</sup> O si çhonja chojni que çça ditticaonha Jesucristo rronhattjo ra ixin sinttecho ra, co si jaha

ra sinao ra sinttecoho ra, nchao para jaha ra jinte ra cain tti rrochjá ra na co x̄aonha ra para jinte ra nntao mé. Co x̄onhi danchianguihi ra de ixin ttinó joixin cain nntao mé. <sup>28</sup> Pero si tti chojni que rrochjá ra nntao rrondačo ixin nntao mé vehe nntao ngain ídolo, jaha ra jintteha ra nntao mé para sincheha ra jianha ngain tti chojni que rrondattjo ra jamé, co para que chojni mé tsonoeha feo ngain ansén. <sup>29</sup> Janha rrinichja de ixin quex̄én tonohé icha chojni, nahi de ixin quex̄én tonoha jaha ra.

Pero puede čhonja ra sanchianguina ra: “¿Andosenna tti x̄axaon icha chojni?” <sup>30</sup> Ixin puede x̄axaon ra que si danjo ra gracias ngain Dios de ixin tti jinte ra, icha chojni čhoaha rronichja na feo de ixin jaha ra. <sup>31</sup> Nchao jí si jaha ra jinte ra o dihi ra o nchehe ra icanxin cosa, pero nchehe ra cain mé para nchesayexin ra Dios. <sup>32</sup> Ncheha ra cosa que iná chojni feo tsonohe ngain ansén, ni para chojni judío, ni para chojni que jeha judío, ni para chojni que ditticaon Jesucristo. <sup>33</sup> De partena janha ttjinha cuidado para que cainxin chojni sinao na tti janha rrinttaha, janha ttjeha jian jeha para ixin janha, janha ttjé para ixin icha chojni para que Jesucristo nchao tsjenguijna jeha na para que rrochondaha na castigo de ixin tti jianha que nchehe na.

## 11

<sup>1</sup> Jaha ra rroehe ra ejemplona janha inchin janha rroá ejemploe Jesucristo.

*Tti jiquinixin sinchehe nchí ngain servicio*

<sup>2</sup> Janha atto chahna ixin jaha ra cainxin tiempo xaxaon ni ra janha co tenchehe ra sigue tti janha jointtacoanha ra. <sup>3</sup> Pero janha rinaho que tsinxin ra que Cristo, mé tti já de cada xí ixin jehe tti ttonhe cada xí; co cada xí, mé tti já nchihihi ixin jehe xa tti ttonhe nchihihi xa; jaña inchin Dios, mé tti já Jesucristo. <sup>4</sup> Si ná xí tsjanotaon já xa are jinchecoanxinhí xa Dios are ngain servicio o are jindache xa chojni ngain nihngo tti joajna que jehe xa vayé xa que joixin de ngain Dios, mé rrocho ná joasoaxin para ixin Cristo. <sup>5</sup> Pero si ná nchihihi tsjanotaonha já ncha are jinchecoanxinhí ncha Dios are ngain servicio ngain nihngo o are jindache ncha icha chojni tti joajna que jehe ncha vayé ncha que joixin de ngain Dios, rrocho ná joasoaxin para ixin xixihi ncha. xajeho inchin jehe ncha rrocjinhi ncha ngoixin já ncha. <sup>6</sup> Si ná nchihihi tsjanotaonha já ncha, mexinxin icha jian rrochinji cainxin xajá ncha. Pero si jaha ra tsonoha ra que atto soaxin para ná nchihihi rrochinji xajá ncha o rrocjin ncha hasta tti nganito já ncha, mexinxin icha jian chonda ncha que tsjanotaon já ncha. <sup>7</sup> Xí chondaha que tsjanotaon já xa ixin Dios joinchechjian jehe xa inchin jehe Dios. Co de ngain xí Dios tosayehe. Co nchihihi para sinchesayehe ncha xí. <sup>8</sup> Jaña ixin are Dios joinchechjian xí, jehe joinchechjianha xa de ngain ná nchihihi, sino que Dios joinchechjian nchihihi de ngain xí. <sup>9</sup> Nchihihi conchjian ncha para ixin xí, co jeha conchjian xí para ixin nchihihi. <sup>10</sup> Mexinxin de cain jiji, nchihihi chonda que tsjanotaon já ncha para ná señal que jehe ncha ditticaon ncha xixihi ncha, co para rroché cain

ángel. <sup>11</sup> Pero masqui jamé, para ixin ján na que dotticaon na Jesucristo, xí čho ha se he xa si co ha nčí, ni nčí čho ha se he nča si co ha xí, <sup>12</sup> ixin ján ndoa que saho nčí conchjian nča de ngain ná xí, pero de are mé para ndahi, xí doanxin xa de ngain nčí, co cayoi mé ttixin de ngain Dios.

<sup>13</sup> Jaha ra mismo ndačo ra si nchao jí que nčí are sinchecoanxinhi nča Dios tsjanotaonha já nča. <sup>14</sup> ¿Apoco noeha cain chojni que ná joasoaxin para ixin xí rrochonda xa řajá xa yeye? <sup>15</sup> Pero para ixin nčí ná cosa jian para ixin jehe nča rrochonda nča řajá nča yeye ixin vayé nča řajá nča yeye para rrořanotaon já nča. <sup>16</sup> Pero si čonja chojni rinao tsońao de ixin asunto jihi, pero chojni mé chonda que tsonohe que ni ján na co ni icha chojni que ditticaon na Dios chonxinha na iná costumbre.

### *Tti joinchehe chojni ngain Santa Cena*

<sup>17</sup> Janha řaxanho rrondattjo ra canxion cosa que janha ncheřoxinnaha. Ndachjenji na chojni que are řatte ra para ngain servicio, parece que chojni ngain ningoa ra nchehe na jianha en vez de jian. <sup>18</sup> Ixin janha ndachjenji na na que are řatte ra para nchesayehe ra Dios ngain servicio, are mé nichja ra ixin rrochjeya ra, co janha ditticanho nchion que puede ndoa jamé nchehe ra. <sup>19</sup> Pues, ¡puede jaha ra řaxaon ra que chonda que rrochjeya ra en grupos para que tsonohe ni quexehe ra řo ndoa ditticaon ra Jesucristo! <sup>20</sup> Mexinxin tti cena que jaha ra jintte ra ngain nihngo, mé ijeha Cena de Jesucristo ixin jaha ra jańá řaxaon ra. <sup>21</sup> Co ixin are hora que jaha ra jintte ra cena

mé, cada ra choenha chó ra; saditaon ra nttiha para ditse ra cená ra jaho ra. Mexinxin ttoha ra anto jintte ra co dihi ra hasta dinttecoan ra. Co ittoha ra denhe ra jintta. <sup>22</sup> Co jañá tenchexin ra jianha ngain chojni Jesucristo co nchecosoehe ra tti chojni noa que dicaoha tti jine. ¿Achondaha ra nchiandoi ra tti sinttixin ra co tti sixin ra? ¿Quexén rroçhjan de ixin jaha ra? ¿Arronichja çhjoin de ixin jaha ra? ¡Nahi de ixin tti tenchehe ra jihi!

### *Cena de Jesucristo*

(Mt. 26.26-29; Mr. 14.22-25; Lc. 22.14-20)

<sup>23</sup> Janha de ngain Jesucristo mismo vayaxin tti janha jointtacoanha jaha ra: Que ngain tti ttie que Judas cjoago Jesús para ngain tti chojni que ningaconhe jehe, Jesús de rá tsexin niottja <sup>24</sup> co are joexin joanjo gracias ngain Dios, jehe conçhinji nio co ndaço: “Jintte ra. Jihi jehe cuerpona que janha sanjo para tsjenguijnaxin jaha ra. Janhi nchehe ra para rroçaxaonxin ni ra janha.” <sup>25</sup> Jamé cai, are joexin cena, jehe de rá tsexin tti vaso que jiria vino co ndaço: “Vino jihi rroço tti nuevo trato que nchese gurá conixin jnina. Cada nttiha que jaha ra sihi ra, nchehe ra para rroçaxaonxin ni ra janha.” <sup>26</sup> Mexinxin cada nttiha que jaha ra sintte ra niottja co sihi ra vino para ngain Santa Cena, jaha ra nchehe ra jañá ixin Jesucristo ndavenhe para ixin jaha ra. Co nchehe ra jihi hasta que jehe tsí iná.

### *Quexén sine chojni tti Santa Cena*

<sup>27</sup> Jañá, quexeho chojni que jine niottja co dihi de ngain vasoe Jesucristo co si jehe chojni mé ncheha inchin jiquininxin, jehe nchesayeha Dios,

co chojni mé nchehe jianha ixin dicaoha respeto ngain cuerpoe Jesucristo co ngain jní Jesucristo. <sup>28</sup> Mexinxin ante de sintte ra tti niottja co sihi ra de tti ngain vaso que Jesucristo coetonha, cada jaha ra xaxaon ra jian quexén sinchehe ra para sintte ra Cena mé inchin jiquininxin <sup>29</sup> ixin si jintte ra co dihi ra co xaxaonha ra que ixin mé rrocho cuerpoe Jesucristo, pero jehó tettjé ra castigo para ixin jaha ra. <sup>30</sup> Mexinxin anto tsje de jaha ra teniha ra co tsangaha ra, co icanxin chojni de jaha ra hasta ondavenhe na. <sup>31</sup> Pero si ján na rrocjinho na cuidado jian jaon na ante de rrojontte na Cena jihi, Jesucristo rrochondaha que rrochjá na castigo jihi. <sup>32</sup> Pero are Jesucristo jehe dicon que ján na nchaoha tenttoho na, jehe nttacastigá na nchion jai para que ján na ttentoxinhi na vidá na, co jamé ján na tsjinha na ngain infierno tti tsji cain chojni que ditticaonha Jesucristo.

<sup>33</sup> Jañá mexinxin are rroxatte ra para sintte ra Cena jihi, chonhe chó ra naná ra para nataonxin sintte ra cain ra. <sup>34</sup> Si chonja chojni senhe jintta, icha jian si jehe sine ngain nchiandoha para que jehe sitaonha nttiha co sine icha que cainxin chojni are sine na ngain Cena mé, co jamé Dios rrochjeha chojni mé castigo. Co tti icha asunto janha rrondattjo ra are saso para sasotsjaha ra.

## 12

*Tti joachaxin que danjo Espíritu Santo ngain cada chojni*

<sup>1</sup> Hermanos, jí icanxin cosa que janha rinaho tsonoha ra de ixin joachaxin que danjo Espíritu Santo ngain cada chojni.

<sup>2</sup> Jaha ra noha ra jian que are xa vaguitti-caonha ra Jesucristo, jaha ra vaguittoaxin ra de vanchesayehe ra canxion ídolo que čhoha nichja. <sup>3</sup> Mexinxin jai janha rinaho tsonoha ra que cain chojni que jí Espíritu Santo ngain čhoha rrondačo: “¡Jesús jianha!” Co cain chojni que rrondačo: “¡Jesús tti chonda cain joachaxin!” pero ixin Espíritu Santo jí ngain chojni mé.

<sup>4</sup> Dios chjá na tsje clase de joachaxin, pero jehó ngain Espíritu Santo ttixin cain joachaxin mé. <sup>5</sup> Jí tsje clase de xa que sonttoho na, pero cain xa mé xajeho xa para ixin Jesucristo. <sup>6</sup> Jí tsje manera que nttoho na xa mé, pero jehó nacoaxinxon Dios tti ttjenguijna cain chojni para nchehe na xa mé. <sup>7</sup> Dios tjago ixin cada na chonda na Espíritu Santo nganji na ixin jehe mé tti chjá na joachaxin cada na. Co joachaxin mé tti ttjenguijna na ján na para que ján na nchao tsjenguijna na icha chojni que ditticaon Jesús. <sup>8</sup> De ixin Espíritu Santo Dios danjo joachaxin ngain canxion chojni para nichja na jian inchin anto ttinxin na. Co icanxin na xajeho Espíritu Santo tti danjo joachaxin para ndačo na ngain icha chojni tti Dios joinchenohe na. <sup>9</sup> Canxion na dayé na joachaxin de ixin jehe Espíritu mé para ditticaon na jian. Co icanxin na dayé na joachaxin para nchexingamehe na chojni nihi. <sup>10</sup> Icanxin na dayé na joachaxin de nchehe na milagro. Co icanxin na dayé na joachaxin para ndache na chojni joajné Dios que jehe na dayé

na. Co icanxin na Espíritu Santo chjé na joachaxin para datsoan na tti chojni que jí espíritu jianha ngain co tti chojni que jí Espíritu ndoa ngain. Co icanxin na dayé na joachaxin de nchao nichja neje na palabra que ni jehe na ttinxinha na. Co icanxin na dayé na joachaxin para ndačo na ixin quehe rročo palabra mé. <sup>11</sup> Pero cainxin cosa jihi nchehe jeho tti nacoaxinxon Espíritu Santo, mé tti tonchjea ojejé joachaxin ngain cada chojni inchin rinao jehe Espíritu Santo.

*Cain na tequininxin na ngain nacoaxinxon cuerpo*

<sup>12</sup> Inchin cuerpoe ni chonda tsje parte, pero masqui tsje parte rročo nacoa cuerpo, jamé ján na cai ngain Jesucristo; masqui tsje na, pero tonchjian na nacoa cuerpo para ixin jehe. <sup>13</sup> Cada na ján na ná parte de cuerpoe Cristo masqui judío na o griego na, o dicochji na ngain xa o ni nahi. Pero Espíritu Santo joinchechjian cain na nacoa cuerpo are joiguitte na. Co mexinxin ján na parte de cuerpoe Cristo, co cain na vayé na Espíritu Santo.

<sup>14</sup> Ná cuerpo tonchjianha nacoa parte, sino de tsje parte. <sup>15</sup> Si rotté ni rrondačo: “Janha jeha rá na, mexinxin janha jeha ná parte de cuerpo jihi”, ¿apoco por ixin jamé rotté ni ijeha ná parte de cuerpoe ni? <sup>16</sup> O si ndatsjoen ni rrondačo: “Janha jeha jmacon na, mexinxin janha jeha ná parte de cuerpo jihi”, cai ¿apoco por ixin jamé ndatsjoen ni ijeha ná parte de cuerpoe ni? <sup>17</sup> Si ngoixin cuerpoe ni rrocji joxon jmacon ni, ¿quexén nchao rroquinhi ni? O si ngoixin cuerpoe ni rrocji

joxon ndatsjoen ni, ¿queñén nchao rrocoñajnihi ni ná cosa? <sup>18</sup> Pero Dios coín cada parte de cuerpoe ni ngain lugar tti jehe joinao. <sup>19</sup> Si cain rrocji nacoa parte, ¿queñén rroquehe cuerpoe ni? <sup>20</sup> Masqui jí tsje parte, tonchjian jehó nacoaxinxon cuerpo.

<sup>21</sup> Jmacon ni čhoha rrondačo ngain rá ni: “Jaha rrogondanaha”; ni cai já ni čhoha rrondačo ngain rotté ni: “Jaha rrogondanaha.” <sup>22</sup> Jaha jamé ixin tti cain parte de ngain cuerpoe ni que jehe ni tonohé ni dondaha ngain cuerpo, pero cain parte mé tti icha donda ngain cuerpoe ni. <sup>23</sup> Co tti ngain parte de cuerpoe ni tti antoha rinao ni, cai ñanotaon. Co tti ngain parte de cuerpoe ni que čhoha ñago, co mé tti icha dicao ni cuidado para ñanotaon jian, <sup>24</sup> co ncheha ni ngain parte que nchao ñago. Jamé Dios joinchechjian cuerpoe ni para que cain parte que icha rinaoha ni, mé tti icha tosayehe, <sup>25</sup> para que ñonhi parte tsoñaohe iná parte, sino que cada parte de cuerpo rroñaxaon de ixin icha parte de ñajeho cuerpo. <sup>26</sup> Si ná parte de cuerpoe ni ttín, cai icha parte de cuerpoe ni tonohé feo. Co si ná parte de cuerpoe ni čhjoin tonohé, cai tti icha parte de cuerpoe ni čhjoin tonohé.

<sup>27</sup> Tti janha rrindačhjan rročo que cain jaha ra tonchjian ra nacoa cuerpoe Cristo, co cada ra tonchjian ra naná parte de cuerpo mé. <sup>28</sup> Jamé Dios chjé cargo jian canxion chojni que te ngain nihngo. Co saho parte para ixin tti chojni que te representanté Jesucristo, yoxin parte para ixin tti chojni que ndačo tti joajna que jehe dayé de ngain Dios, ninxin parte para tti chojni que

nchecoenhe icha chojni de ixin Dios, cottimeja para ixin tti chojni que nchehe milagro, para ixin tti chojni que nchexingamehe chojni nihi, para ixin tti chojni que nchao ttjenguijna icha chojni, co para ixin tti chojni que nchao tjagohe icha chojni para nchao nchehe na xa unido, co para ixin tti chojni que nichja neje palabra que ni jehe choha ttinxin. <sup>29</sup> ¿Apoco cain na joxon representanté Jesucristo na? O ¿apoco cain na dayé na joajné Dios? ¿Apoco cain na nttocoenhe na chojni de ixin Dios? O ¿apoco cain na nttoho na milagro? <sup>30</sup> O ¿apoco cain na chonda na joachaxin de nttoxingamehe na chojni nihi? ¿Apoco cain na nchao ndacho neje na palabra que ján na ttinxinha na? ¿Apoco cain na nchao ndache na icha chojni quehe rrocho palabra mé? Claro que nahi. <sup>31</sup> Jaha ra nchehe ra de que sayehe ra de ngain Dios cain tti joachaxin icha jian. Pero janha tsjagoha ra iná cosa icha jian.

## 13

### *Quehe rrocho tti rinao chó chojni*

<sup>1</sup> Si janha nchao nichja cainxin nguigoehé chojni ngataha nontte co hasta nguigoehé cain ángel, pero si janha rinaoha cain chojni, janha xonhi rentte na masqui rrinichja, ixin mé inchin ná niroa que torancjan o inchin ná chia que nchechjian joxon ruido. <sup>2</sup> Si janha ndačhjan tti joajna que janha dayá de ngain Dios, co si janha chonxin cainxin cosa que siconhe, co si janha nona canchesinxon cosa, co si janha anto jian ditticanho Cristo hasta nchao ttetoan jna para satsjixin jna de ngain lugar que te jna, si janha nchao

nttaha cain mé, pero si janha rinaoha cain chojni, janha xonhi rentte na. <sup>3</sup> Si janha tsonchjeyá chojni noa cainxin cosa que janha chonda nttihi ngataha nontte, co si janha sanjo hasta cuerpona para rroche ixin janha nichja joajné Jesucristo, pero si janha rinaoha cain chojni, xonhi xé cain tti janha jointtaha.

<sup>4</sup> Tti chojni que rinao cain chojni chonda paciencia co nchehe cosa jian ngain icha chojni. Chojni mé jeha chjoehe, ni jeha puro nichja de ixin jehe mismo, ni jeha orgulloso. <sup>5</sup> Chojni mé jeha grosero ni ttjeha cosa jian para ixin jeho. Chojni mé toñaoha ni ttenchjianha coraje. <sup>6</sup> Chojni mé cheha de ixin tti jianha que nchehe icha chojni, jehe ché ngain tti ndoa. <sup>7</sup> Cainxin ttixinhi chojni mé de ngain icha chojni ixin jehe na cain tiempo xaxaon na jian de ixin cain chojni mé, co jehe na chonhe na para que chojni mé tsentoxinhi na vidé na ixin nchaoha tenchehe na, co chonda na paciencia para cain chojni mé.

<sup>8</sup> Ján na chonda na que sonao na cain chojni para cainxin tiempo. Tsí tiempo que tti chojni que nichja joajné Dios que jehe dayé irrochondaha na que rronichja na, ni irronichjaha neje na tti palabra que ni jehe na ttinxinha na. Co ngain tiempo mé isondeha na que Dios sinchenohe na. <sup>9</sup> Jai ján na chonda na joachaxin para rrochonxin na, pero jeho nchion, co chojni jai tsjeha joajné Dios dayé. <sup>10</sup> Pero are tsí Jesucristo, cottimeja tti nchion que ján na chonxin na ndatsjexin ixin Dios sinttanoa na cain.

<sup>11</sup> Are janha xa nchín joarihi, janha vanichja co vařaxanho co vaquianxin inchin ná chjan.

Pero are janha ocjoi ná xí, cointtoa cain cosa que vaʒaxanho are nchín na. <sup>12</sup> ʒajeho jamé jai docon na cain cosé Dios inchin ngacjan ranontte, o inchin are čoha doconxin na con na ngain ná espejo que ʒonhi ʒé. Pero cottimeja ján na socon na cain cosa claro. Jai janha chonxin jeho nchion, pero cottimeja janha rrochonxin cainxin inchin Dios chonxin na janha. <sup>13</sup> Jamé, jí ní cosa que ján na chonda na que sonttoho na para cain tiempo. Chonda na que sotticaon na Jesucristo, co chonda na que sotticaon na ixin seguro tsonhe cain tti ndačo Dios, co chonda na que sonao na cain chojni. Pero de canio cosa jihi jeho nacoa tti icha importante; jeho tti sonao na cain chojni.

## 14

*Pablo ndačo ixin quehe rročo tti nichja neje ni palabra que jehe ni ttinxinha ni*

<sup>1</sup> Nchehe ra que rinao ra cain chojni, co ʒajeho tiempo danchia ra que Dios rrochjá ra cain clase de joachaxin, pero icha danchia ra tti joachaxin de rrondache ra chojni tti joajna que dayé ni que ttixin de ngain Dios. <sup>2</sup> Tti chojni que nichja neje tti palabra que ni jehe ttinxinha, chojni mé nichja ngain Dios co jeha ngain chojni ixin ʒonhi chojni ttixin tti jinichja chojni mé. Espíritu Santo tti nchenichja chojni mé, pero jehe nichja cosa jima que ʒonhi chojni ttinxin. <sup>3</sup> Co tti chojni que nichja tti joajna que jehe dayé que ttixin ngain Dios, jehe nichja ngain icha chojni para icha sitticaon na Jesucristo co para sincheanimá na co para que ʒonhi joachjaon tsa ansén na.

<sup>4</sup> Tti chojni que nichja neje tti palabra que ni jehe ttinxinha, jamé jehe mesmo icha ditticaon Jesucristo. Pero tti chojni que nichja tti joajna que jehe dayé que ttixin de ngain Dios, chojni mé icha ncheguitticaon cain chojni que ttinhi.

<sup>5</sup> Janha rrojinaho que cain jaha ra rrochonda ra joachaxin de rronichja neje ra tti palabra que ni jaha ra ttinxinha ra. Pero are xatte ra ngain servicia ra, janha icha rinaho que jaha ra rronichja ra tti joajna que dayehe ra que ttixin de ngain Dios. Ixin jamé icha tsjenguijna ra cain chojni, co rronichjaha ra tti palabra que xonhi chojni ttinxin. Pero si ná ra chonda ra joachaxin para rrondache ra chojni quehe rrocho palabra mé, nchao para rronichja ra palabra mé ixin cai mé tsjenguijna cain jaha ra. <sup>6</sup> Mexinxin si janha saso para sasotsjaha ra co rronichjaxin ra tti palabra que ni janha tsianxinha, xonhi xé para ixin jaha ra tti janha rronichja. Pero si janha rrondattjo ra claro tti ndachjenji na Dios, o sinttacoanha ra tti ndoa de ixin Dios, cottimeja ján, janha rrochjaha ra tti rrogondaha ra co tti ndoa sondaha ra.

<sup>7</sup> Tsín na de ejemplo cosa que nchechjian són tti chondaha vida inchin ná flauta o ná arpa. Si chojni noeha danoa o dinga cosa mé, choha satsoan ni quehe són jinchechjian. <sup>8</sup> Co iná ejemplo de ngain guerra. Si clarín sanoaha xa claro ixin tseto xa, xonhi soldado rroxaxaon ixin tseto. <sup>9</sup> Xajeho jamé tonhe nganji jaha ra cai: si neje ra ndačhoaha palabra que nchao tsinxin ni, xonhi chojni tsinxin quehe tendačo ra. <sup>10</sup> Já n, ndoa que jí tsje idioma ngoixin mundo, co palabré cada idioma mé

chonda sentido. <sup>11</sup> Pero si janha ttianxinha tti idioma que rronichjananxin icanxin chojni, janha inchin chojni de iná naci3n para ngain chojni mé, co cai jehe na inchin chojni de iná naci3n para nganji na janha. <sup>12</sup> Mexinxin jaha ra que anto rinao ra sayehe ra joachaxin que ttixin de ngain Esp3ritu Santo, pero de cain yá, icha nchehe ra que dayehe ra tti joachaxin que tsjenguijna cain chojni que ditticaon Jesucristo.

<sup>13</sup> Jamé cai, tti chojni que chonda joachaxin de nichja neje palabra que jehe ttinxinha, cai chonda que sanchia joachaxin ngain Dios para que Dios rrochjé jehe joachaxin de nchao tsinxin para rrondache icha chojni quehe rrocho palabra mé. <sup>14</sup> Si janha sinttacoanxian Dios conixin tti palabra que janha ttianxinha, ján, ndoa que janha rrinichja conixin espirituna, pero ngain joarrixaonna rrittianxinha quehe rrocho tti janha rrinichja. <sup>15</sup> ¿Quehe sinttaha janha remé? Chonda que jí tiempo que janha rronichja ngain Dios conixin espirituna pero cai chonda que jí tiempo que janha rronichja ngain Dios conixin joarrixaonna. Chonda que sinttacoanxin himno conixin espirituna, pero cai sinttacoanxin conixin joarrixaonna. <sup>16</sup> Ixin si ná chojni jinchechoanxinhi Dios jeho de ngain espiritue, masqui icha chojni tettinhi tti jehe jindačo, pero jehe na ttinxinha na tti jehe jindačo co mexinxin čhoha rronichja na ngain Dios junto conixin jehe ixin jehe na ttinxinha na palabra mé. <sup>17</sup> Masqui tti jehe ni nichja ni ngain Dios atto nchao jí, pero para icha chojni, nahi, ixin ttinxinha na tti jehe ni nichja ni. <sup>18</sup> Janha chjaha gracias ngain Dios ixin janha

nichja neje palabra que janha ttianxinha icha tsje nttiha que cain jaha ra, <sup>19</sup> pero are ngain servico, icha jian si janha nichja jeho naho palabra que chojni nchao tsinxin na, que rronichja dies mil palabra que xonhi chojni ttinxin.

<sup>20</sup> Hermanos, janha rinaho que rroxxaonha ra inchin chjan de cain cosa jihi. Ján, dintte ra inchin chjan que chonxinha cosa jianha, pero dintte ra inchin chojni yeye para xaxaon ra jian ngain cosa de Dios. <sup>21</sup> Ndaçho ngain tti libro que jitaxin Palabré Dios: “Janha rronichjá nación mé ngain ojé nguigoa co de ixin tti chojni que tsixin de ngain ojé nontte, pero masqui jamé, xa sincheha na na caso, jañá çho Dios.” <sup>22</sup> Jamé que tti joachaxin de rronichja neje ni palabra que ni jehe ni tsinxinha ni, mé sirve para ná señal para ixin tti chojni que ditticaonha Jesucristo, co jeha para ixin tti chojni que ditticaon Jesucristo. Pero tti joachaxin de rronidache ni chojni tti joajné Dios que jehe ni dayé ni, mé sirve de señal para ixin tti chojni que ditticaon Jesucristo, co jeha para ixin tti chojni que ditticaonha Jesucristo. <sup>23</sup> Mexinxin are ná chojni que ditticaonha Jesucristo o chonxinha quehe rroçho cain jihi siji ngain nihngo co tsinhi que jaha ra tenichja ra palabra que ni jaha ra ttinxinha ra, chojni mé daca rroxxaon que jaha ra ndadinttexenga ra. <sup>24</sup> Pero si ngain nihngo jaha ra tendaçho ra tti joajna que ttixin de ngain Dios que dayehe ra co rato mé sixinhi chojni que ditticaonha Jesucristo o tti chojni que xa ttinxinha jian de ixin Cristo, chojni mé sitticaon co satsoan ixin joinchehe jianha. Jehe jamé tsonohe are

tsinhi tti jaha ra tendačo ra. <sup>25</sup> Jamé cain tti jí ngain ansén chojni mé tononxin, co jehe settoxin nttajochjihi para sinchesayehe Dios co rrondačo que ndoa jí Dios ngayaha ra.

*Nchehe ra cain cosa inchin ditonha ra co inchin jiquininxin*

<sup>26</sup> Mexinxin, hermanos, are rrořatte ra para sinchecoanxinhi ra Dios, canxin ra rrotsje ra salmo, co icanxin ra sinchecoenhe ra chojni cosa de Dios, co icanxin ra rrondačo ra cosa que Dios jointtanoha ra, co icanxin ra rronichja neje ra palabra que ni jaha ra ttinxinha ra, co icanxin ra rrondačo ra ixin quehe rročo tti palabra mé. Pero janha rinaho que cain mé tsjenguijna chojni que ditticaon Jesucristo. <sup>27</sup> Are rronichja neje ra palabra que ni jaha ra ttinxinha ra pero are mé rronichja jeho yoto ra, o hasta ní ra co rronichja ra naná ra co naná ra. Co ttoha de jaha ra chonda ra que rrondačo ra quehe rročo tti nichja compañeroa ra. <sup>28</sup> Pero si řonhi chojni nchao rrondačo ixin quehe rročo tti palabra que rronichja ra, icha jian řonhi palabra mé rronichja ra ngain servicio, sino que cada ra rronichja ra jion ngain Dios para que řonhi chojni sinchetjanji ra. <sup>29</sup> Jamé cai si para rronichja ra tti joajna que jaha ra dayehe ra que ttixin de ngain Dios, rronichja jeho yó o ní chojni, co icha ra tsinhi ra co rrondačo ra si ndoa joajna mé joixin de ngain Dios. <sup>30</sup> Pero si rato mé Dios sinchenohe řhonja cosa iná chojni que te nttiha, tti chojni que jinichja rato mé chonda que satechoha tiempo para que rroxehhe tiempo para ixin

rronicheja iná chojni. <sup>31</sup> Jañá cain ra xó sayehe ra joajné Dios, saho rronicheja ná ra cottimeja iná ra para que icha chojni tsanguí co soan na animado. <sup>32</sup> Tti chojni que nichja tti joajna que jehe dayé que ttixin de ngain Dios chonda joachaxin para rrochonhe tsjexin rronicheja ná na cottimeja jehe <sup>33</sup> ixin Dios jehe nchexoxinha chojni que ttenchjianha respeto.

Jaha ra nchehe ra jian inchin nchehe chojni ngain icha nihngo. <sup>34</sup> Ixin ngain ningoe Jesucristo, mé nchí chondaha ncha que rronicheja ncha are ngain servicio ngain nihngo ixin jiquinixinha. Ixin chondaha nchí joachaxin para que jehe ncha tsetonha ncha ngain nihngo ixin jamé jitaxin ngain ley de Dios. <sup>35</sup> Si jehe ncha rinao ncha tsonohe ncha ná cosa, chonda ncha que sanchianguihi ncha xixihi ncha are ongain nchiandoha na ixin chjoinha dicon ni que ná nchí rronicheja ncha are ngain servicio.

<sup>36</sup> Chonda que xaxaon ra que jeha jaha ra tti chojni que saho conohe palabré Dios, ni jeoha jaha ra tti chojni que vayé palabré Dios, mexinxin choha tti rrondačo jaha ra sinchehe icha chojni ngain nihngo. <sup>37</sup> Si ttoha de jaha ra datsoan ra que chonda ra joachaxin para nichja ra joajna que dayehe ra que ttixin de ngain Dios o que chonda ra quexeho joachaxin de Espíritu Santo, pero chonda que satsoan ra que tti janha rricjinha ra Dios coetonna. <sup>38</sup> Pero si chojni que rronicheja joajna mé ncheha caso jihi, cai jaha ra ncheha ra caso tti rrondačo chojni mé.

<sup>39</sup> Jañá, hermanos, nchehe ra de que Dios

rrochjá ra joajné para nchao rrondache ra icha chojni, co cayacoenha ra tti chojni que rronichja neje palabra que ni jehe tsinxinha. <sup>40</sup> Pero nchehe ra cain jihi inchin jiquininxin conixin respeto.

## 15

### *Pablo ndačo quehe rročo ixin Cristo xechon*

<sup>1</sup> Janché, janha rinaho que rroxaxaon ra tti jian joajna que janha ndattjo ra. Joajna jihi tti jaha ra vitticaon ra, co tti jaha ra ditticaon ra hasta jai. <sup>2</sup> Cai de ixin joajna jihi jaha ra chonda ra iná vida naroaxin que xonhi tiempo tsjexin si jaha ra sinchehe ra sigue tti jaha ra ditticaon ra, si vitticaon ra ndoa.

<sup>3</sup> Saho, janha jointtacoanha ra tti janha vayá. Janha ndattjo ra que ixin Cristo venhe para cjoenga hna de ixin cain tti jianha que nttoho na inchin ndačo ngain libro que jitaxin Palabré Dios. <sup>4</sup> Co janha ndattjo ra que cjoavá na Jesús co ninxin nchanho jehe xechon inchin jitaxin ngain Palabré Dios cai. <sup>5</sup> Co janha ndattjo ra que ixin jehe saho xago ngain Pedro, cottimeja ngain tti icha nirepresentaté jehe. <sup>6</sup> Co después ngain nacoa tiempo jehe xago ngain icha de naho ciento chojni que vitticaon jehe. Co tsje de chojni mé xa techon na jai, masqui ttoha na ondavenhe na. <sup>7</sup> Después, jehe xago ngain Jacobo, cottimeja ngain cain nirepresentaté jehe.

<sup>8</sup> Co después de cainxin mé, xago nganji na janha cai masqui are mé janha joarihi inchin ná chjan que toncjihí xan are janné xan xaxaonha jan ixin tsoncjihí chjan mé. <sup>9</sup> Janha tti icha

jeha importante na de cainxin nirepresentanté Jesucristo co ninchin jiquininxinha na para sinhi na representanté jehe ixin janha feo vanttaha ngain chojni que vitticaon jehe. <sup>10</sup> Pero jai janha ndoa representanté Jesucristo na ixin Dios jian nganji janha, co tti jehe joinchehe nganji janha jeha jamaoncoa ixin janha jointtaha xa icha que cain icha nirepresentanté Jesucristo masqui jeha janha tti jointtaha, Dios tti joinchehe de ixin janha. <sup>11</sup> Pero ndosennaha si janha tti icha jointtaha xa o jehe na, pero jihi tti joajna que janha na vayá na, co joajna jihi tti vitticaon ra jaha ra.

*Quehe rrocho tti rroxechon chojni que ndadenhe*

<sup>12</sup> Tti joajna que janha na ndattjo ra ndacho que Cristo xechon, mexinxin ¿quedonda ttoha de jaha ra ndacho ra que ixin tti chojni que ndadenhe irrocjanha na rroxechon na? <sup>13</sup> Si chojni que ndadenhe irroxechonha na, mexinxin ni Cristo xechonha. <sup>14</sup> Co si Cristo xechonha, rrocho xonhi xé tti joajna que janha na ndattjo ra remé. Co tti jaha ra ditticaon ra de ixin Jesucristo xonhi xé cai remé. <sup>15</sup> Si jamé, janha na rrocho chojni que nichja ndoaha de ixin Dios ixin ondaçhjan na que Dios joinchexechon Cristo are ndavenhe. Pero si jeha ndoa que ixin chojni que ndadenhe xechon na, mexinxin jeha ndoa que Dios joinchexechon Cristo are ndavenhe <sup>16</sup> ixin si nindadenhe ixechonha na, mexinxin cai Cristo xechonha are ndavenhe. <sup>17</sup> Co si Cristo xechonha are ndavenhe, tti jaha ra ditticaon ra de ixin jehe na xoinxon xé, co jaha ra xa teca ra cain cosa jianha que nchehe ra. <sup>18</sup> Co si jamé, cai cain chojni que vitticaon Cristo co ndavintteguenhe na ndavitján almé na.

<sup>19</sup> Si ján na dotticaon na que Cristo jehó jian para ngain vida jìhi, ján na tti chojni que icha feo tsonohe de cain chojni.

<sup>20</sup> Pero tti mero ndoa que ján, Cristo xechon are ndavenhe. Jehé tti saho xechon para que cain chojni que ndadenhe chonda que rroxechon na. <sup>21</sup> Ixin Adán vitticaonha Dios, cainxin chojni ngoixin mundo tequininxin ndasenhe na. Co ixin Jesucristo xechon are ndavenhe, jamé cai cain chojni jehé chonda que rroxechon na después de ndadenhe na. <sup>22</sup> Jamé inchin cain na ndadenhe na ixin ján na razé Adán na, cai cain na rroxechon na co rrochonda na iná vida naroaxin ixin ján na chojni Cristo na. <sup>23</sup> Pero cada na inchin tequininxin na: Cristo tti saho xechon are ndavenhe. Cottimeja are Cristo tsí iná, cain chojni jehé rroxechon na. <sup>24</sup> Cottimeja Cristo sinchexante cainxin joachaxin que jí nttihi ngataha nontte co ngajni co sinchegayé joachaxin mé ngain Dios Ndodá na <sup>25</sup> ixin Cristo chonda que tsetonha hasta tsjeja cainxin chojni que ningaconhe jehé. <sup>26</sup> Co tti última cosa que jehé ningaconhe, tti ndadenhe ni, cai mé chonda que roxante co ndasitján. <sup>27</sup> Ixin Dios joanjo joachaxin ngain Cristo para que jehé ttetonhe cain cosa, pero are ndačo ngain Palabré Dios que Cristo ttetonhe cain cosa, mé rrochoha ixin ttetonha ngain Dios ixin Dios tti joanjo joachaxin ngain Cristo para que jehé ttetonha. <sup>28</sup> Co are Cristo osacha de ngain cain tti ningaconhe, cottimeja jehé Cristo tti Xenhe Dios, rrocjan sanjo joachaxin que jehé vayé de ngain Dios para que jehó Dios tti tsetonha cain cosa. Ixin Dios tti joanjo joachaxin para que Cristo sacha.

<sup>29</sup> Si chojni que ndadenhe irroxechonha na ¿quedonda jí chojni que diguitte na en lugar de tti chojni que ndadenhe? ¿Quedonda nchehe na jañá si jehe na ditticaonha na que tsí nchanho que cain tti ndadenhe rroxechon?

<sup>30</sup> ¿Co quedonda cain tiempo ján na techonda na peligro? <sup>31</sup> Cain nchanho janha chonda peligro de ndasenhe na ixin nichja de ixin Jesucristo. Co jamé ndoa tti janha tonna, pero cai ċhjoin tonona janha ixin jaha ra ditticaon ra Jesucristo, tti chonda cain joachaxin para ixin ján na. <sup>32</sup> Janha jointtadiscutí xí ċhintto ngain ciudad de Efeso de ixin jehe palabré Dios, pero si rrocji ndoa que chojni que ndadenhe irroxechonha na, janha ir-rochondaha que rrondaċhjan palabra mé co rro-chonda razón tti chojni que ndaċho: “Sontte na co sonho na ixin ndoe o rejngui ondasenhe na.”

<sup>33</sup> Dittoaxinha ra sinttayaha ra na. Ndoa inchin ndaċho dicho: “Chojni jianha nchetján chojni jian.” <sup>34</sup> Jaha ra dintte ra ngain ná vida jian co nao; ncheha ra cosa jianha. Janha ndattjo ra jihi ixin nona que ttoha de jaha ra ẋa ditticaonha ra Dios. Janha ndattjo ra jañá para que rrochonxin ra joasoaxin.

### *Queẋén rroxechon chojni que ndadenhe*

<sup>35</sup> Pero puede ċhonja chojni sanchiangui: “¿Queẋén rroxechon chojni que ndadenhe? ¿Quehe clase de cuerpo rrochonda na?” <sup>36</sup> Co mé ná pregunta que ẋonhi ẋé. Inchin are dinga ná semilla, semilla mé chonda que ndadenhe para que ċhinhi ca. <sup>37</sup> Tti dinga jeha ca ixin jeha ca tti ċhintaon, jeho grano que dinga, mé tti ċhintaon,

sea trigo o iná semilla. <sup>38</sup> Cottimeja Dios chjé semilla mé forma que jehe rinao co cada semilla dayé cuerpoe inchin tequininxin. <sup>39</sup> Jeha cainxin cuerpo xajeho. Cuerpoe chojni ojé clase, co cuerpoe coxigo ojé clase, cuerpoe conttoa iná clase, co cuerpoe copescado ojé clase. <sup>40</sup> Jamé cai cuerpoe ángel ngajni ná clase co cuerpoe chojni ngataha nontte iná clase. Pero cuerpoe ángel chonda ná manera de chjoin te co cuerpoe chojni chonda ojé manera de chjoin te. <sup>41</sup> Tté nchanho icha jé que tté conittjao, co cai icha jé tté conotse, co de cain conotse cai ojejé tté va. <sup>42</sup> Jamé tsonhe cai ngain tti rroxechon chojni que ndadenhe. Jehe xavá ná cuerpo que rrenga, co rroxechon iná cuerpo que isenha. <sup>43</sup> Tti cuerpo que chonda na jai chjoinha te ixin tonihi co ndadenhe, pero cuerpo que rroxechon anto chjoin sehe ixin itsoniha co ni isenha. Cuerpo que chonda na jai tsangaha, pero cuerpo que rroxechon jehe soji. <sup>44</sup> Are ndadenhe ni, xavá jeha cuerpo que jehe ni dayé ni de ngataha nontte, pero are rroxechon ni, sayé ni cuerpo de ngain Dios. Jí cuerpo de ngataha nontte, co cai jí cuerpo de ngajni.

<sup>45</sup> Ndacho ngain tti jitaxin Palabré Dios: “Tti saho xí cjoí Adán co jehe vehe tti saho chojni que vechonda vida”, pero ján na ndacho na ixin Cristo tti último Adán ixin jehe chonda espíritu que danjo vida. <sup>46</sup> Pero jai ján na chondaha na cuerpo de ngajni; jai ján na chonda na cuerpo de ngataha nontte. Cottimeja rrochonda na cuerpo de ngajni. <sup>47</sup> Tti saho xí conchjian xa de jinche, co jehe xa de ngataha nontte xa. Co Jesucristo inchin

tti yoxin xí, pero jehe joixin de ngajni. <sup>48</sup> Cada chojni chonda naná cuerpo inchin cuerpo que vechonda Adán que conchjian de jinche. Pero tti chojni que ditticaon ngain Jesucristo, chojni mé tsí nchanho que rrochonda na cuerpo inchin cuerpo que chonda Jesucristo ngajni. <sup>49</sup> Ķajeho jai ján na chonda na ná cuerpo inchin cuerpoe Adán, pero tsí nchanho que ján na rrochonda na cuerpo inchin cuerpoe Jesucristo.

<sup>50</sup> Janha rrindattjo ra que cuerpo de nttao co nttaloro ĉhoĥa sehe ngain lugar tti jittetonha Dios, ixin tti seha tonĉhjenhe ĉhoĥa sehe ngain tti tonĉhjenhe para cainxin tiempo. <sup>51</sup> Pero janha rinaho que jaĥa ra tsonoha ra ná cosa que Ķa noaha ra: Jeha cainxin na senhe na, pero ján, cainxin na sayé na ojé cuerpo. <sup>52</sup> Jihi tsonhe anto daca inchin are ttejé co danttjé con ni; tsonhe are tsinhi ni tti último tsoyao trompeta. Are mé cain chojni que vitticaon palabré Jesús co ondavenhe na, jehe na rroxechon na conixin iná cuerpo co iĥonhi tiempo senhe na. Co Ķo Ķa sonttechon na are mé anto daca sitoxin cuerpoa na cai <sup>53</sup> ixin cuerpoa na jai tonĉhjenha sé; co chonda que sitoxin para que nchao tsonĉhjenhe conixin tti tonĉhjenhe para cainxin tiempo. <sup>54</sup> Co are tsonhe jamé, cottimeja yá joiconhe tti ndaĉho ngain tti jitaxin Palabré Dios: “Tti ndadenhe ni ondaxantte ixin ojoacha tti danjo vida.” <sup>55</sup> Co nttiha ndaĉho cai: “Muerte, ĵĉja tti joachaxin que jaha joarichonda para vagoenxin cuerpona na? ĵĉja tti jaha rrojacha?” <sup>56</sup> Ixin tti jianha que nchehe ni, mé tti ĉhjé joachaxin muerte para doen cuerpoe ni. Co

ley que joanjo Dios ndačo que ixin jamé tsonhe. <sup>57</sup> Pero chjé na gracias ngain Dios ixin jehe chjá na joachaxin para sacha na de ngain muerte ixin Jesucristo ojoacha.

<sup>58</sup> Mexinxin de cain jihi, cainxin tiempo dintte ra soji co nchehe ra icha co icha inchin coetonha Jesucristo ixin jaha ra onoha ra que tti xa que jaha ra tenchehe ra conixin Cristo jeha jamaoncoa.

## 16

### *Quexén joatsetaonhe chó na tomi*

<sup>1</sup> Janhi sinchehe ra para satsetaonhe chó ra tomi para tsjenguijnanxin ra icha chojni que diticaon Jesucristo, xajeho inchin tti ndattjan chojni ngain cainxin nihngo que te ngain nonttehe Galacia. <sup>2</sup> Cain domingo cada jaha ra dantsjenda ra nchion tomi que dacha ra ngain cada semana co ttenchjinha ra tomi mé para que isatsetaonha chó ra tomi are janha saso. <sup>3</sup> Co are janha saso, janha rrorroanha para Jerusalén tti chojni que jaha ra rrondačo ra, co janha rrochjaha na ná carta para que sicao na tomi que jaha ra joatse ra para ngain chojni que ditticaon Jesús nttiha. <sup>4</sup> Co si janha nchao tsji, cai tsji conixin jehe na.

### *Are xaxaon Pablo quecá lugar satsji*

<sup>5</sup> Ngain viajena chonda que satto nongain nonttehe Macedonia, cottimeja saso ngain ciudad de Corinto. <sup>6</sup> Puede nttiha tasarihi nganji ra nchion sé o puede hasta ngoixin tiempoe quin. Cottimeja jaha ra nchao tsjenguijna ni ra para ngain viajena tti janha chonda que satsji después. <sup>7</sup> Janha rinaoha jeha sattotaonxon nganji ra; janha rinaho

sarihi ná tiempo nchion sé nganji ra si Dios rrochjana joachaxin. <sup>8</sup> Pero janha x̄a sarihi nttihi ngain ciudad de Efeso hasta ngain quiai de Pentecostés, <sup>9</sup> ixin janha chonda ná jian oportunidad ngain tiempo jhi para rrondattjan chojni co tsjagoa na de ixin Dios masqui te tsje chojni que jehe anto ningaconhe tti janha ndačhjan.

<sup>10</sup> Si siji Timoteo nganji ra, nchehe ra que jehe sehe contento ngayaha ra ixin jehe nchehe x̄é Dios inchin janha. <sup>11</sup> Mexinxin ni ná jaha ra nchedespreciaha ra are jehe siji nganji ra. Ttjenguijna ra para ngain viajé jehe para que jehe tsí contento sitsjena ixin janha rrichoan jehe conixin icanxin xicompañerona na.

<sup>12</sup> Co Apolos janha anto jointtatsán ñao para que rroguiji rroguitsjaha ra conixin icanxin chojni que ditticaon Jesucristo, pero jehe čhoha joiiji jai. Jehe siji pero are jehe rrochondaja oportunidad.

### *Pablo joexin cjin carté co rroanha joajna*

<sup>13</sup> Dintte ra listo, co ditticaon ra jeho Cristo. Dintte ra inchin xí jian. Dintte ra soji. <sup>14</sup> Cain cosa que sinchehe ra, nchehe ra jian ixin jamé rročo que ján rinao ra cain chojni.

<sup>15</sup> Co jai, hermanos, jaha ra noha ra que ixin Estéfanos conixin cain nindoha, jehe na tti nisaho vitticaon tti jian joajné Cristo ngain regioen Acaya. Co jehe na nitettjenguijna icha chojni que teditticaon palabré Cristo. <sup>16</sup> Janha rinaho que jaha ra ditticaon ra tti chojni que nchehe inchin jehe Estéfanos conixin nindoha co inchin tti chojni que nchehe x̄é Dios co inchin tti chojni que ttjenguijna icha chojni que ditticaon palabré Cristo. <sup>17</sup> Janha

anto chahna ixin vicon joí Estéfanos, co Fortunato co Acaico. Jehe na nicjoenguijna na janha na ixin jaha ra čhoča cjoenguijna ni ra ixin vintteha ra nttihi. <sup>18</sup> Jehe na joincheanimá na na janha inchin joinchehe na nganji ra cai. Janha rinaho que cain chojni rronichja jian ngain chojni que nchehe inchin jehe na.

<sup>19</sup> Cain chojni ngain nihngo de ngain regioen Asia rroanha na joajna para ixin jaha ra. Co Aquila, co Priscila, co cain chojni que xatte ngain nchiandoha na para servicio cai rroanha na tsje joajna para ixin jaha ra. <sup>20</sup> Cai cain chojni que diticaon Jesucristo nttihi ngain ciudad jihi rroanha na tsje joajna nganji jaha ra. Co cain jaha ra chjehe chó ra joajna jian are setan chó ra.

<sup>21</sup> Janha, Pablo na, rrrroanha ra joajna jihi que cjinxin na conixin rana co letrana.

<sup>22</sup> Si čhonja chojni rinaoha na Jesucristo, chojni mé te na condenado. ¡Jesucristo, jaca sihi!

<sup>23</sup> Jesucristo sinchenciaon nganji ra. <sup>24</sup> Janha rinaho de ngain ansenna cainxin jaha ra ixin cainxin na chojní Jesucristo na. Amén.

## **Tti jian joajné Jesucristo New Testament in Popoloca, San Marcos Tlalcoyalco**

copyright © 1982 Wycliffe Bible Translators, Inc.

Language: San Marcos Tlalcoyalco Popoloca (Popoloca, San Marcos Tlalcoyalco)

Translation by: Wycliffe Bible Translators, Inc.

Popoloca, Tlalcoyalco [pls], Mexico

### **Copyright Information**

© 1982, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Popoloca, San Marcos Tlalcoyalco

**© 1982, Wycliffe Bible Translators, Inc.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-11-16

---

PDF generated using Haiola and XeLaTeX on 22 Feb 2024 from source files  
dated 29 Jan 2022

a23ba35e-b016-5f67-a705-694e460cf18a